

Biblioteka
U. M. K.
Toruń

93089

II

021

Isr. Paselger.
Gotttingae 1789.

PROLEGOMENA
IVRIS NATVRALIS

IN VSVM AVDITORVM

AVCTORE

GOTTFRIEDO ACHENWALL

PROFESSORE PHILOS. ORD. ET IVR. EXTRAORD.

IN ACAD. GEORGIA AVGVSTA

CVRATIVS EXARATA

ET NVNC PRIMVM SEPARATIM

EDITA



GOTTINGAE

SVMTIBVS VICTORINI BOSSIEGEL

MDCCCLVIII.



J. G. C.

*H. G. G. G.
Lund*



PROLEGOMENA
IVRIS NATVRALIS

IN VSVM AVDTORVM

AVCTORE

GOTTFRIDO ACHENWALL

PROFESSOR PHLOS. ORD. ET IUR. EXTWARD.
IN ACAD. GEORGIA AVGVSTA



EDITA
ET NUNC PRIMUM
CARATIVE

5385



93089

GOTTFRID

SVMTIVS VICTORIVS ROSSIGER
Glossar

AD LECTOREM.

Animus est, in prolegomenis hisce
exponere ea argumenta philoso-
phica, quibus ad iura atque ad obligatio-
nes naturales speciales tum rectius sta-
biliendas tum plenius perspiciendas via
paratur, quorumque ideo cognitio prae-
mittenda est singularum Iurisprudentiae
Naturalis partium tractationi, vt Le-
gum aeternarum quarumcumque ratio-
nes vltiores et primariae, vnde singu-
lae legis cuiuslibet ratio proxima, suo
quaque loco commemoranda, proma-
nat, intelligantur, earumdemque simul
nexus atque systema mente comprehen-
datur. Itaque ad duo potissimum capi-
ta redeunt, quae hoc opusculo tradere
constituimus: explicanda nimirum sunt
tum principia illa generaliora, quibus,
e disciplinis Philosophiae superioribus
repe-

repetitis, innititur tamquam fundamen-
to suo Iurisprudencia Vniuersalis; tum
vero ea etiam, quae ad genuinum Iuris
Naturalis conceptum efformandum per-
tinent, quaeque generatim et in vniuer-
sam hanc scientiam concernunt, excu-
tienda.

Atque haec Prolegomena, quae
Elementorum Iuris Nat. nostrorum o-
pere haecenus continebantur, nunc ab
isto corpore seiungere, singularique li-
bello in publicum emittere visum est,
quod, curatius et magna ex parte de-
nuo exarata, ampliora exstitero, quam
quae vna cum ipso Iuris Naturalis syste-
mate integro, iisdem praelectionibus,
intra semestre absoluendis, possent per-
tractari, eamque ob causam peculiari-
bus etiam acroasibus manent destinata.
D. Gottingae, d. XX, Iul. a C. N.
MDCCLVIII.

CON-

CONSPECTVS

PROLEGOMENORVM

I VRIS NATVRALIS

GENERALIOR.

Vt ratio atque ordo dicendorum facilius perspiciatur, sequentia praeprimis notari merentur.

1. IVS NATVRALE, cuius Prolegomena hic sistimus, per totum Elementorum nostrorum systema *scientiam legum naturalium perfectarum* denotat, quo significato speciatim etiam IVS NATVRALE STRICTVM seu COGENS appellari solet.

2. LEX generatim est propositio obligationem enuncians, ideoque omnis legum Iuriumque generis cognitio pro fundamento habet notionem OBLIGATIONIS. Inde ratio inscriptionis capitum: de OBLIGATIONE, OBLIGATIONE NATVRALI cet. patescit.

3. Obligatio duo habet connexa, alterum antecedens, *actionem liberam*; alterum consequens, *imputationem*. Hinc agimus

a) de

a) de ACTIONIBVS HOMINIS LIBERIS

CAP. I.

b) de OBLIGATIONE ipsa, secundum significationem eius generalissimam, CAP. II.

c) de IMPVTATIONE, eodem significato,

CAP. III.

4. *Obligatio naturalis perfecta*, 1) qua naturalis est species obligationis moralis seu internae, h. e. quae metu poenae Diuinae efficitur, 2) qua perfecta est species obligationis externae, i. e. quae metu coactionis humanae efficitur. Itaque agendum

a) de OBLIGATIONE MORALI CAP. IV.

b) de OBLIGATIONE NATVRALI in genere CAP. V.

c) de OBLIGATIONE NATVRALI PERFECTA CAP. VI.

d) de OBLIGATIONE EXTERNA CAP. VII.

e) de OBLIGATIONE NATVRALI PERFECTA, QVA EXTERNA, CAP. VIII.

CONSPECTVS

SINGVLORVM CAPITVM

PROLEGOMENORVM IVRIS NATVRALIS.

CONSPECTVS CAP. I.

de actionibus hominis liberis.

Agitur

- I. generatim de hominis constitutione §. 1.
- II. speciatim de facultatibus animae humanae, cognoscitiua ac appetitiua 2, et vtriusque diuisione in superiorem atque inferiorem facultatem 3.
- III. specialius de facultatibus animae superioribus, intellectu et voluntate 4. 5.
- IV. specialissime de libertate mentis 6, vnde concipiuntur actionis liberae
 1. notio et diuisio in commissiuam atque omissiuiam 7.
 2. requisita 8.
 3. extensio 9.

Adiicitur atque ex dictis explicatur naturae humanae conceptus 10.

CONSPECTVS CAP. II.

de obligatione.

De obligationis et legis

- I. notione 11. 12. 13.
- II. requisitis 14-18.
- III. diuisione 19.
- IV. efficiendae ratione s. obligandi modis 20.
- V. quantitate 21.

VI.

CONSPECTVS.

VI. existentia 22.

VII. principio fiendi et cognoscendi 23. cum
conclusionibus praecipuis 24.

VIII. collisione cum alia obligatione et lege 25.

IX. relatione ad actiones, unde harum dima-
nant variae species 26.

CONSPECTVS CAP. III.

de Imputatione.

I. in genere de imputationis

1. notione cum connexis 27 - 29.

2. requisitis, quae sunt eadem cum requi-
sitis ratiocinii 30. quoad

A. materiam seu praemissas

a. minorem, factum 31.

b. maiorem, legem 32.

B. formam seu modum concludendi 33.

II. in specie de imputatiuitatis in poenam

1. applicatione ad diuersa facta, quibus
lex violatur, s. facta minus recta, et quidem

A. generatim ad facta, quibus inest de-
fectus rectitudinis

a. inuincibilis 34.

b. vincibilis seu reatus 35, vel cul-
pa vel dolus 36.

B. speciatim ad facta minus recta, quae
patrantur

a. ex ignorantia et errore 37.

b. contra legem praeceptiuam 38.

c. per se non-libera 39.

d. in-

CONSPLECTVS.

d. inuita 40.

2. quantitate 41, cum generali conclusione de duplici legis cuiusque virtute 42.

CONSPLECTVS CAP. IV.

de obligatione morali.

Traduntur notiones genuinae

I. obligationis moralis & legis moralis 43.

II. terminorum connexorum

1. generalium, sc. eius, quod est moraliter necessarium, mor. possibile, mor. possibile et facultatis moralis 44. cum corollariis 45.

2. specialium, sc. actionum, differentium pro diuerso earum ad leges morales habitu, vnde euadunt

A. moraliter licitae vel illicitae,

B. moraliter bonae vel malae seu peccata,

C. morales vel moraliter indifferentes 46.

3. specialiorum sc. officii moralis et virtutis 47. vna cum corollariis 48.

CONSPLECTVS CAP. V.

de obligatione naturali.

I. Generatim de obligatione nat., lege nat. et Iure Nat. quoad eius

1. notionem 49. 50. 51.,

2. existentiam 52. 53.

3. vim

C O N S P E C T V S.

3. vim obligandi 54-57.
4. principia
 - A. in genere, principium fiendi, princip. cognoscendi primum 58. et fontem cognitionis vniuersalem 59.
 - B. in specie, principia cognosc. generaliora e primo promanantia 60.
5. relationem ad actiones humanas, vnde enascuntur species
 - A. actionum variae 61.
 - B. officiorum naturalium 62.
6. denominationem, quatenus Ius Nat. recte appelletur
 - A. Ius 63.
 - B. Ius rationis 64.
 - C. Ius Naturale 65. cum corollario de eius valore citra promulgationem 66.
 - D. Ius Necessarium, Vniuersale, Immutabile, Aeternum 67.
7. praemia et poenas
 - A. in genere 68.
 - B. in specie
 - a. voluptatem et taedium 69.
 - b. conscientiam bonam et malam 70.
 - c. habitus moraliter bonos et habitus prauos 71.
 - d. existimationem bonam et malam 72.
 - e. expectationem felicitatis vel infelicitatis maioris in vita futura 73. vnde quaedam colliguntur 74-76.

8. gra-

C O N S P E C T V S.

8. gradationem atque hinc collisionem officiorum

A. in genere moralium 77. 78.

B. in specie

a. naturalium inter se inuicem 79.

b. naturalis officii cum officio morali positio 80.

II. speciatim de officiis

1. erga alios seu socialitatis, h. e. iis naturalibus, quae profluunt ex societate hominum vniuersali,

A. de societatis Vniu. notione latiori 82. et strictiori 83.

B. de officiorum socialitatis

a. principii generalioribus 84. 85.

b. vi obligandi 86.

2. erga se ipsum 87. et cum iis connexiis

A. iuribus 88. iisque respondentibus

B. obligationibus aliorum 89, vnde nascitur notio legis iubentis et permittentis 90.

III. specialius de Iure Nat., qua scientia legum socialitatis, applicato ad statum hominum

1. naturalem, vnde Ius mere Naturale,

2. sociale,

A. in genere, vnde Ius Sociale Vniuersale 91. 92. 93.

B. in specie ad

a. familiam, vnde Ius societatum domesticarum Vniuersale,

b. Ci-

CONSPECTVS.

b. Ciuitatem, vnde Ius Ciuitatis Vniuersale 94. 95. et speciatim Ius Gentium Vniu. concipitur 96. 97.

CONSPECTVS CAP. VI.

de obligatione naturali perfecta.

I. In genere diuisio traditur

1. obligationis nat. in perfectam et imperfectam 98.
2. legis natur. in perfectam et imperfectam,
3. Iuris obiectiue sumti Nat. in Cogens et Non-Cogens 99.
4. iuris subiectiue s. Nat. in strictum seu perfectum et imperfectum 100.

II. In specie Ius Naturae Cogens

1. definitur 101.
2. probatur e iure nat. stricto cuiusque in sui conseruationem 102 - 105.
3. deduciturque inde
 - A. obligationis nat. perf. limes
 1. ad facienda quaedam dumtaxat officia erga alios 106.
 2. ad reliqua officiorum nat. genera nemini extorquenda 107.
 - B. iuris nat. stricti extensio ad ea agenda omnia, quae conseruationi alterius non repugnant 108.
 - C. obligationis nat. perf. atque imperf. conuenientia et differentia 110.

C O N-

C O N S P E C T V S C A P. VII.

de obligatione externa.

Exponuntur

I. Generatim

1. notio obligationis externae 111.
2. differentia obligationis, officii, legis, iuris subiectiue et obiectiue sumti *externorum* ab *internis* 112. 113.

II. Speciatim Iuris Externi

1. terminologia seu notiones terminorum Iuris Ext. generaliorum

A. communium, eius scil. quod vocatur

a. necessarium, possibile, impossibile *legaliter*, vt et facultatis *legalis*,

b. obligatorium, debitum, praeceptum, indifferens cet. *externae* 115.

c. iustum atque iniustum *externae* 116. 117.

B. propriorum, quo pertinet quid dicitur

a. laesio et iniuria 118.

b. suum et ius suum 119.

c. suum et ius suum alteri tribuere et minus tribuere 120.

d. proprietas

α. late dicta 122.

β. stricte, communioni opposita 25.

e. damnum 126.

2. finis et vis obligandi atque imputandi 129.

de obligatione naturali perfecta qua obligatione externa.

I. Docetur

1. in genere, quomodo ad Ius N. Cogens applicari possint principia Iuris Ext.

A. notiones et terminologia 130.

B. propositiones generaliores ratione

a. obligationum nat. perf. 131.

b. iurium nat. strictorum 132.

2. in specie, quomodo inde concipiatur

A. ius naturale defensionis 133.

B. ius nat. securitatis 134.

C. extensio coactionis et iuris cogendi 135, quo tamen et ius ad remedia leniora continetur 136.

D. vis imputandi I N. stricti propria 137.

E. coactio iusta aduersus eum, cuius factum non est imputabile 138.

F. nouum discrimen inter Ius Nat. strictum atque Ius Nat. reliquum.

II. Adiicitur consideratio collisionis officii necessitatis

1. cum officio amoris 140.

2. cum officio ad vitam conseruandam 141.

142. 143, vnde nascitur fauor necessitatis 144. 145, cuius vsus

A. certo respectu est naturaliter licitus 146.

B. alio respectu tamen laesio 147.



PROLEGOMENA
IVRIS NATVRALIS
CAPVT I.
DE
ACTIONIBVS HOMINIS
LIBERIS.

§. 1.

Homo constituitur corpore organico et anima variis facultatibus instructa, arctissimo inter se commercio vnitis, mediante quo efficitur mirifica hominis ad edendas innumeras actiones aptitudo, et quidem ad ACTIONES tum EXTERNAS, quae sensu externo percipi possunt, tum INTERNAS, quae ita percipi nequeunt.

A

§. 2.

§. 2.

Quod vero speciatim animam nostram concernit, ipsi competit tum cognoscendi quaedam seu cognoscitiua facultas, tum etiam appetitiua, appetendi nimirum quod bonum, et hinc auerfandi, quod malum nobis videtur.

§. 3.

Harum FACULTATVM vtraque est vel superior, quatenus obiecta distincte cognoscere, atque ex distinctis repraesentationibus appetere quaedam aut auerfari possumus; vel inferior, quatenus obiecta obscure saltem vel confuse cognoscere, atque ex ideis talibus indistinctis appetere quaedam possumus aut auerfari. Facultas et cognoscitiua et appetitiua, quae est inferior, nobis cum animalibus brutis est communis; ea vero, quam vocamus superiorem, propria est homini, quippe brutis exclusis ipsi competens.

§. 4.

Facultas superior cognoscitiua vno verbo vocatur INTELLECTVS, quo et RATIO pertinet, hoc est facultas nexum rerum intelligendi;

gendi; facultas superior appetitiua dicitur VOLUNTAS, ad quam et NOLUNTAS est referenda.

§. 5.

Itaque ex intellectu pendet voluntas ea quidem ratione, vt haec ipsum praestruat, ideoque vt 1) si homo careret facultate intelligendi, etiam facultas volendi ipsi non competeret, et 2) in quocumque homine impeditur intellectus vsus, in eodem quoque voluntatis impediatur vsus. Porro clarum est, quod omnis actus facultatis appetitiuae hominis, consequenter etiam omnis actio voluntatis (volitio et nolitio) eius ex appetitu boni vel auersione mali cuiusdam, vno verbo ex nisu hominis in sui perfectionem seu ad sese perficiendum proficiscatur, §. 2. et 4.

§. 6.

Gaudet praeterca homo facultate et ad agendum et ad non agendum sese ipsum (per principium intrinsecum) determinandi, SPONTANEITATE (arbitrio), quae facultas eius, qua entis intellectu praediti seu quatenus est SPIRITVS, VOCATUR LIBERTAS MENTIS

A a

(liber.

(libertas interna, liberum arbitrium, et in iure saepius arbitrium simpliciter et libitus appellatur). Libertas mentis humanae, sicuti etiam reliquae animae nostrae facultates omnes, tamquam *spiritus finiti* facultas est consideranda.

§. 7.

Actio, quae a libero hominis arbitrio dependet, seu in eius libertate mentis rationem suam sitam habet, vocatur **ACTIO** hominis **LIBERA** (actio humana per excellentiam). Actionem liberam, si ea positivè concipitur, appellamus **COMMISSIVAM** (positivam); si negativè, **OMISSIVAM** (privativam, negativam). Actio libera, quatenus tamquam singularis, hoc est sub determinationibus singularibus seu in concreto spectatur, est **FACTVM** (factum liberum). Hinc factum est vel *factum commissionis* (factum stricte) vel *factum omissionis* (non-factum).

§. 8.

Quoniam igitur sine intellectu non datur liberum arbitrium §. 6., atque hinc impedito usu intellectus impediatur etiam usus & actio liberi

beri arbitrii, consequitur, vt non nisi eius, qui vsu intellectus pollet, actio sit libera. Quoniam porro, quo aliquid actu agam, requiritur, vt illud agere physice possim, seu vt id agere *in potestate mea* sit positum, seu vt viribus ad id agendum sufficientibus instructus sim; euidens est, id quod agere physice non possum, qua tale haud pendere ex libero meo arbitrio, ideoque nec tamquam actionem meam liberam spectari posse. Immo nec nisi illud libere a me agitur, quod aequae ad committendum ac ad omittendum determinare physice possum §. 6, seu quod agere simul cum opposito est in potestate mea. Quamobrem quidquid physice impossibile est (vel simpliciter vel secundum quid), & omnis **ACTIO PHYSICE NECESSARIA**, cuius oppositum est extra potestatem (simpliciter vel secundum quid) agentis, quo & referuntur *actiones mere naturales*; si per se spectantur, in numero liberarum actionum haberi non possunt.

In *actionibus liberis* potissimum *commissiuis* et *externis*, quae externae sunt sensibiles §. 1., consequenter motu organorum corporis perficiuntur, distingui potest actus, quo determinamus, an

agendum vtrum minus agendum; ab actu, quo id quod determinatum, actuali vfu facultatum nostrarum peragitur seu *actuatur*, speciatim in actionibus externis, ab eo motu organorum corporis, mediante quo perficimus, quod determinatum. Hinc abstractione logica diuiditur actio libera in *liberam ratione determinationis ex ratione executionis*. Quum igitur ad actionem liberam requiratur, vt vna cum opposito suo sit in potestate agentis; sequitur, vt ad actionem et ratione determinationis et ratione executionis liberam requiratur, vt in potestate agentis sit, tum determinare, vt agatur pariter atque vt non agatur; tum etiam & exsequi et non exsequi, quod determinatum est.

§. 9.

Omnes actiones voluntatis nostrae accenseri possunt actionibus liberis, quatenus nulla exstat nostra volitio vel nolitio, quae ita a libero nostro arbitrio reperiatur independens, vt ab eo nullatenus dirigi possit. Anima igitur humana in volendo et nolendo est libera. Praeterea vero etiam multas actiones reliquarum animae nostrae facultatum, plures corporis nostri motus, immo et ipsas nonnumquam passiones, mediate certe et per indirectum libero nostro arbitrio subesse experimur, atque ideo ad actiones nostras liberas recte meritoque referre possumus.

I. Quam.

1. Quamuis igitur *actio voluntatis* et *actio libera* idealiter differant: tamen, quum omnis nostrae voluntatis actio reapse indiuulso nexu cum libera actione sit coniuncta, libertasque mentis potissimum atque directo et immediate in volitionibus et nolitionibus nostris sit conspicua; factum est, vt a pluribus haberentur pro synonymis, vtque ea, quae proprie ex actione qua libera deducenda sunt, simpliciter de voluntatis actione adstruerentur. Apud Iurisconsultos certe, in quorum disciplinis omne fert punctum actio libera et libertas mentis, horum terminorum nulla fere mentio iniicitur, eo frequentius vero de voluntate et consensu tamquam actionum voluntatis specie sermo datur. Neque nocebit, cum ICTIS loqui, dummodo cum Philosophis sentiamus.

2. Quatenus ex libertate animae humanae pendent reliquarum facultatum eiusdem actiones, ipsi in eas et *in semet ipsam imperium* tribuitur, quod consistit in facultate animae humanae, libere nunc huius nunc illius facultatis actiones producendi, nunc earum producendi oppositum: et ex simili ratione animae nostrae *in corpus nostrum regimena* tribuitur.

§. 10.

Complexus determinationum entis, quae posita eius existentia ponuntur, dicitur entis NATURA, quae igitur in essentia et viribus entis iunctim

etiam sumtis consistit. Quamobrem ad hominis naturam pertinet eius corpus organicum, anima intellectu praedita et rationalis, vtriusque arctissimum commercium §. 1., facultates animae, praepriis mentis libertas §. 6. Pertinet huc quoque nisus, qui homini essentialiter iuest, ad se perficiendum §. 5, hinc ad bonum obtinendum, & consequenter etiam ad malum repellendum efugiendumque. Quidquid in natura hominis rationem sitam habet, illud homini est NATVRALE. Natura hominis generica, hoc est, quae omnibus hominibus est communis, HVMANITAS (prima naturae humanae) appellatur. Quidquid igitur homini, qua tali competit, illud ipsi est naturale atque pertinet ad humanitatem.



** (O M O R ** 9

CAPVT II.
DE

OBLIGATIONE.

§. II.

Repraesentatio boni cuiusdam, quod quis obtinere intendit, seu quod quis habet pro fine, est CAUSSA IMPVLSIVA: eaque repraesentatio, si est distincta, MOTIVVM dicitur; sin minus, seu si tantummodo est obscura vel confusa, STIMVLVS. Refertur vero ad caussas impulsivas etiam repraesentatio mali, quod quis effugere intendit, quippe euitatio mali tamquam bonum negatiuum spectari potest. Pone tibi motiuum aliquod, pones, ob inritum tibi nisum in tui perfectionem, impulsum seu nisum ad agendum conformiter dato motiuo, ideoque senties necessitatem quamdam agendi; sed senties simul, oppositum talis actionis nihilominus etiam esse in tua potestate. Itaque actio ex tali necessitate producta tamen perstat libera, consequenter non est physice necessaria §. 8., atque inde vocatur *moraliter necessaria*, et ipsa illa necessi-

tas appellatur moralis. Ea igitur, quae ex certo motiuo oritur necessitas determinandi actionem liberam, est NECESSITAS MORALIS *latius dicta*. Atque ideo patet, necessitatem moralem, quamuis aliquo modo libertatis exercitium restringat, libertatem tamen non tollere.

§. 12.

Quum vero illud bonum, cuius repraesentatio in omni motiuo continetur, vel tale sit, vel non sit, sed agenti dumtaxat videatur esse: necessitatis inde moralis duplex intelligitur esse species, altera quae ex veri boni, altera quae ex apparentis boni repraesentatione exoritur. Necessitas moralis, quae ex repraesentatione veri boni nascitur, vocatur OBLIGATIO (passiua). Quoniam igitur contendere ad verum bonum consentiat cum natura humana §. 10. atque hinc cum recta ratione, sequitur, vt omnis obligatio hominis *e fine rationali*, hoc est rectae rationi consentaneo profluat.

Vocatur haec *obligatio passua*, quatenus haec notio refertur ad eum, qui *obligatur*, seu cui talis necessitas moralis incumbit. Quod si vero eandem

eandem considerare velis in relatione ad eum qui *obligat*, seu qui imponit talem agendi necessitatem, habebis *obligationem actiuam*. In eo itaque, cuius actioni liberae neccitur motiuum alicquod, deprehenditur *obligatio passiva, actiua* contra in illo, qui tale motiuum actioni alicuius liberae neccit. Vnde intelligitur, *notionem obligationis*, qua abstrahitur ab vtraque relatione, generatim in eo consistere, quod sit nexus motiui cum actione libera, quae igitur definitio vtramque obligationis relationem sub se comprehendit. Dubia contra hanc definitionem, quae LEIBNITIO et WOLFIO debetur, monent BARBEYRAC in *notis* ad Gallicam edit. PUFENDORFFII *Iur. N. et Gent.*, atque TREUER in *annotatis* ad eundem de *officio Hom. & Ciu.* cap. II. §. 5. p. 53. Defensionem vero eiusdem suscepit DE VATTEL in libello: *Loisir Philosophique* à Geneve 1747. 8.

§. 13.

Propositio (regula seu norma actionum liberarum) obligationem enuncians est LEX MORALIS *latius* dicta, et in sphaera obligationum, vbi nimirum de actionibus liberis ad certum finem rationalem dirigendis est sermo, LEX *simpliciter* appellatur. Quamobrem leges omnes consistant necesse est in propositionibus, secundum

dum quas dirigere (determinare) actiones suas liberas aliquis obligatur.

§. 14.

Obligatio & lex requirit 1) *actionem liberam* subiecti obligati, seu eius qui obligationi & legi cuidam subest §. 11. 12. Ergo in ea, quae sunt physice impossibilia vel ratione determinationis vel saltem ratione executionis §. 8. *not.*, in ea, quae sunt physice necessaria, in actiones mere naturales, in eum, qui usu intellectus destituitur §. 8. non cadit obligatio. Ergo *ultra posse* (physice) *nemo obligatur*. Quisquis obligatur, obligatur saltem ad tantum seu non ad plus quam quantum potest. In obligationibus, quae ad gradum indefinitum protenduntur, nec *ad plus* nec *ad minus* obligamur, quam *quantum possumus*.

§. 15.

Porro requirit 2) *bonum quoddam* non tantummodo visum, sed simul verum, tamquam finem subiecti obligati, mediante actione sua libera obtinendum §. 12., ideoque tamquam actionis suae confectarium. Si qua igitur obligatio vide-
tur

tur proficisci ex repraesentatione alicuius obiecti tamquam boni, quod tamen bonum non est, hoc est quod per errorem pro bono habetur; ea *obligatio* nec ipsa est vera sed *spuria* (erronea, imaginaria, fictitia, opinata). Ad consecratoria bona etiam referenda mali euitatio §. 10.

§. 16.

Deinde 3) requirit, ut is qui obligatur, *distincte cognoscat*, tum *quid* sibi agendum commissive vel omissive, tum *cur* ita nec aliter agendum §. 12. Ergo *ad ignorata*, si per se spectantur, *nemo* obligatur, et *ultra scire nemo tenetur*. Et haec cognitio obligati supponitur in abstracto ut distincta, ut motium, quia in obligatione supponitur homo usu intellectus pollens §. 4., ideoque excluditur merus stimulus, quale agendi principium brutis est proprium obligationum nesciis; non vero excluditur cognitio, quae ex parte est indistincta, nec consequenter motium, quod stimulo est admixtum, unde in concreto gradus distinctae cognitionis reperiuntur varii.

Quemadmodum omnis cognitio distincta hominum, tamquam spirituum finitorum, aliquid obscure-

fcuritatis vel confusionis in se continet: ita contra ea homo vsu intellectus instructus, quidquid libere agit, quamuis ex causa impulsiva, quae maximam partem est stimulus, agat; tamen non ex mero stimulo, cui nihil omnino distinctae insit repraesentationis, agere censendus est.

§. 17.

Denique 5) requirit, vt eadem cognitio *praecedat ipsam actionem* et eius executionem: quippe actio libera, quatenus obligationi subesse concipitur, est causae liberae effectus. Eatenus obligatio *non cadit nisi in actiones futuras*, ideoque factis praeteritis, qua talibus, obligatio imponi nequit, quae vel ea propter, quod facta infecta fieri nequeant, pertinent ad physice impossibilia, obligationem respicientia §. 14.

§. 18.

Quoniam posito connexorum vno ponatur et alterum necesse est; patet, eum qui obligatur ad certum finem consequendum, obligari etiam ad ea, quae ad hunc finem obtinendum sunt necessaria, hinc ad eius *remedia adhibenda* atque *impedimenta remouenda*, quantum potest §. 14.

§. 19.

Posita actione libera ponitur duorum oppositorum vtrumque in agentis esse potestate et agere et non agere §. 8. posita vero obligatione ponitur necessitas moralis determinandi horum oppositorum alterutrum §. 11; ergo obligatio alia est ad ACTIONEM LIBERAM actuandam, COMMITTENDAM; alia ad eam non actuandam, OMITTENDAM: prior OBLIGATIO dicitur AFFIRMATIVA, posterior NEGATIVA. LEX obligans affirmatiue est PRAECEPTIVA (praecipiens, aiens, praeceptum), LEX obligans negatiue est PROHIBITIVA (vetans, negans, prohibitum, vetitum).

Iam ratio patescit, cur *actio libera* in commissiuam et omissiuam, et hinc factum liberum et in factum et non-factum dispescatur §. 7. Nempe omissio actionis liberae et *non agere*, non facere, cogitari potest tamquam actio libera et factum liberum, quatenus est libertatis rationatum, et quatenus consistit in non-vsu facultatum nostrarum a libero nostro arbitrio dependente. Quare posita obligatione ad aliquid committendum, non tantum id, quod obligationi conuenienter committis, est factum tuum liberum; sed etiam id, quod contra obligationem omittis, quum
omit-

omittere et committere aequè per se steterit. Atque eatenus non-vsus virium corporis, voluntatis, intellectus; quum aliquid externi peragere, velle, intelligere per libertatem potuisses, ad facta tua libera pertinet, siue ceterum hanc omissionem actu determinaueris libere, siue eam saltem obligationi conformiter per libertatem determinare potuisses.

§. 20.

Medium constituendi obligationem et legem in eo generatim consistit, vt cum actione alicuius libere perpetranda connectatur consecrarium aliquod bonum vel malum, illudque ei, cui imponenda est obligatio, ita proponatur seu repraesentetur, vt illud cognoscere, antequam agat seu *praeuidere* possit, vnde necessitabitur moraliter, conformiter proposito consecrario actionem liberam dirigere: proposito scilicet consecrario vel bono, quod sperat, vel malo, quod metuit. Eatenus admitti potest, *medium obligandi* omne in *spe* vel *metu* proposito consistere.

Speciatim vero 1) *obligatio adfirmatiua* efficitur, nectendo consecrarium vel bonum cum commissione actionis tantum, vel malum cum eius omissione tantum *disiunctiue*; vel bonum cum

com-

commiffione et malum cum omiffione actionis fimul, *copulatiue*: 2) *obligatio negatiua* nectendo confectarium vel bonum cum omiffione tantum, vel malum cum commiffione actionis tantum, *di- iunctiue*; vel vtrumque fimul, *copulatiue*.

§. 21.

Quo plura, quo maiora bona vel mala con- fectaria, quo maiori gradu cum certa actione libera funt connexa, feu quo difficilius confecta- ria ab actione ipfa feiungi poffunt, quo magis copulatiue bona et mala cum vtraque oppofita- rum actionum funt connexa; eo *maior* (fortior) eft *obligatio* et *lex*: quo ex aduerfo pauciora, quo minora bona vel mala, quo minori gradu cum certa actione libera, quo minus copulatiue bona et mala cum vtraque oppofitarum actio- num funt connexa; eo *minor* (debilior) eft *lex* et *obligatio*.

§. 22.

Si te pono, tamquam hominem vfu intel- lectus pollentem: negare nequis, te non tantum modo ob libertatem mentis tuae obligationis effe capace, fed etiam actu obligari in pluribus:

B

actio-



actionibus tuis liberis, in iis scilicet, ex quibus nascitura tibi consecutaria bona vel mala praeuideri potes §. 11. et 12. Ergo *existit obligatio aliqua tibi incumbens.*

§. 23.

Quum porro sine vero bono, quod quis sibi repraesentat tamquam finem, mediante actione sua libera obtinendum non detur obligatio §. 15: consequens est, vt omnis obligationis, quae in hominem cadere potest, 1) *principium fiendi* (existentiae) sit verum bonum, tale nimirum, quale ad producendam obligationem requiri diximus §. 11; 2) *principium cognoscendi* (si illud tamquam propositio concipitur, quale principium cognoscendi vocare *complexum* solent), sit haec propositio: *perfice te.* Itaque propositio haec est obligationum quatumuis *principium cognoscendi vniuersale et primum*, atque *centrum quasi et focus* earumdem.

§. 24.

PERFICE TE: ergo quaere bona, fuge mala §. 5; adhibe, remedia, remoue impedimenta

menta perfectionis tuae §. 18; conserua perfectiones tuas, conserua te.

Persice te, quantum potes §. 14: ergo quaere melius, intensiue, extensiue et protensiue tale, fuge peius; quaere prae ceteris optimum, fuge prae ceteris pessimum; auge, amplifica, corrobora perfectiones tuas, quaere FELICITATEM tuam, hoc est perfectionum tibi conuenientium summam, tum INTERNAM (beatitudinem), animae tuae; tum EXTERNAM (prosperitatem), corporis et status tui externi; fuge, quae perfectiones tuas imminuere, extenuare et debilitare possunt; fuge *infelicitatem* tuam, tum *internam*, animae tuae; tum *externam* (miseriam), corporis statusque tui externi.

Quaere melius: ergo praefere bonum maius minori, et inuersa vice malum minus maiori, hoc est obtentionem boni maioris obtentioni boni minoris, et euitationem mali maioris euitationi mali minoris; praefere bonum positium maius bono negatiuo minori et bonum negatiuum maius bono positium minori, hoc est praefere obtentionem boni, quod maiorem tibi tribuit perfe-

ctionem euitationi mali, quod minorem perfectionem tibi aufert, boni scilicet, cuius perfectio, quae eo obtento in te ponitur, maior est ea perfectione, quae ex malo inflicto in te remouetur, et sic etiam vice versa.

§. 25.

Qui obligationi et legi, cui subest, agit conformiter, is **OBLIGATIONI** suae et **LEGI SATISFACIT**, **LEGEM SERVAT** (obseruat); qui vero minus conformiter agit, **OBLIGATIONEM** et **LEGEM NEGLIGIT**. Si pluribus legibus in casu emergente simul satisfieri nequit, adest **LEGVM COLLISIO** (pugna, conflictus), impossibilitas seruandi simul plures leges. Quamobrem quo hoc casu vni legi satisfiat, necesse est, vt altera negligatur. Neglectio legis, quatenus cum altera pugnat, est **EXCEPTIO A LEGE**, et ea legum pugnantium, cui satisfaciendum, **VINCERE**; altera, a qua excipiendum, **CEDERE** ipsi dicitur. Atque haec et de obligationibus praedicari posse, per se patet. Quum obligemur ad nos perficiendos quantum possumus, et hinc ad praefendum melius §. 24.;

con-

consequens est, vt in collisione legum et obligationum vincat fortior, et ipsi cedat debilior lex et obligatio. *Quaere melius: ergo in collisione legum obserua fortiolem et negligē debiliolem seu praefer fortiolem debiliori, quae propositio est lex vniuersalis exceptionis in collisione obligationum et legum fortiorum cum debilioribus.*

§. 26.

Actio libera si refertur ad certum legum genus, vel nulli vel alicui earundem est contraria: illa ACTIO vocatur (quoad datum scilicet legum genus) ~~IL~~ELICITA, haec ^{IL}LICITA. Porro licita vel a nulla vel ab aliqua harum legum est determinata: illa dicitur ACTIO INDIFFERENS (permissa), haec OBLIGATORIA. Unde liquet, actionem indifferentem licitam esse seu committatur seu omittatur: contra vero ea actionem obligatoriam eam, quae licite committitur, omitti illicite; quae omittitur licite, illicite committi. Actio legi cuiusdam generis omnimode conformis est ACTIO RECTA, non conformis MINVS RECTA in data nimirum legum sphaera.

CAPVT III.

DE

IMPVTATIONE.

§. 27.

Si ex facto alicuius libero nascitur consecrarium bonum vel malum, quod ex eo exstiturum praevidere sagens physice potuit: libero eius arbitrio tribuendum est et factum tale & eiusdem consecrarium, indeque is agens vocatur et facti et consecrarii talis CAUSSA LIBERA seu AVCTOR; et iudicium illud, quo aliquis facti et propterea etiam consecrarii eiusdem auctor affirmatur, IMPVTATIO appellatur, quae igitur in eo actu consistit, quo factum aliquod eiusdemque consecrarium alicuius libero arbitrio attribuitur.

§. 28.

Is, cuius arbitrio libero tribui potest consecrarium aliquod facti sui, consecrarium illud MERERI dicitur: atque inde ipsum consecrarium facti liberi, quatenus rationem suam sitam

habet

habet in agentis libero arbitrio, appellatur MERITVM *in genere*, quod est vel bonum, PRAEMIUM (*meritum in specie*); vel malum, POENA (*demeritum*). Imputatio itaque est iudicium, quo alicui tribuitur factum liberum eiusque meritum, et datur *imputatio in praemium*, datur *in poenam*.

§. 29.

Confectarium bonum vel malum certae actionis liberae, quod agens praevidere potest, efficit necessitatem moralem, obligationem, legem §. 22: ergo imputatio inuoluit factum liberum et legem, ideoque continet conclusionem ex 1) facto libero et 2) ex lege. Vnde elucet, imputationem esse applicationem legis ad factum. Hinc IMPVTABILE est FACTVM, quod alicui tribui tamquam auctori et simul sub certa lege subsumi potest, atque in hac facti alicuius affectione consistit eius *imputabilitas* (*imputatiuitas*).

Itaque imputatio abstractione logica in duo actus, duo iudicia affirmatiua dispesci potest: alterum, quo alicui tribuitur factum aliquod li-

berum, seu quo quis facti cuiusdam auctor affirmatur; alterum, quo ipsi tribuitur meritum facti sui, seu confectarium, a lege quadam cum tali facto libero copulatum. Iudicium prius *imputationem facti*, posterius *imputationem iuris* (legis) appellare solent.

§. 30.

Quum in omni imputatione ratiocinium contineatur §. *praec.*: consequitur, vt ad imputationem veri nominis eadem requirantur, quae ad verum syllogismum sunt necessaria; ideoque requiratur, vt syllogismus imputatorius sit verus tum quoad materiam seu principia, tum etiam quoad formam seu modum concludendi.

§. 31.

Materia ratiocinii imputatorii consistit 1) in *facto libero*, vnde efficitur huius syllogismi propositio minor. Factum hocce quo fit verum, requiritur, vt a) aliquid factum sit siue commissive siue omissive §. 7; b) ab eo, cui attribuitur. Nemini ergo quod mero *casu* fit, et nemini *factum alienum*, qua tale, est imputabile; c) tamquam auctori. Ea itaque, quae omittuntur ex mera agendi impotentia, vel deficiente
casua-

casuali *occasione*, hoc est concursu circumstantiarum ad aliquid faciendum necessariarum; quatenus sunt talia, imputari nequeunt.

Possunt vero & plures simul esse alicuius facti auctor, quorum hinc singulus est *concaussa facti libera*. Pertinent huc, quicumque ad factum alterius *concurrunt*, hoc est qui suo facto libero ad actualitatem illius aliquid conferunt. Fieri itaque potest, vt factum alienum, ad quod tu concurris, tibi etiam recte imputetur. Particeps facti est particeps imputationis ceteris paribus.

§. 32.

Materia ratiocinii imputatorii consistit 2) in *lege*, vnde enascitur syllogismi imputatorii propositio maior. Lex itaque vera adsit, necesse est, vt ad factum quoddam applicari, consequenter vt vere aliquid imputari possit. Quamobrem a) deficiente lege deficit facti imputabilitas §. 29, et b) pro diuerso legum genere idem factum tum magis aut minus imputabile, tum imputabile ant non imputabile, denique imputabile in poenam vel in praemium esse potest.

§. 33.

Forma syllogismi imputatoriū requirit, vt datum factum liberum sit casus datae legis, id est, vt contineatur sub lege tamquam propositio inferior sub propositione sua superiori, ideoque vt legi subsit tum quoad praedicatum, factum; tum quoad subiectum, auctorem facti.

Quamobrem, si quid horum requisitorum vel quoad materiam vel quoad formam in ratiocinio imputatorio deficit, corruere imputatio intelligitur.

§. 34.

Actio obligationi et legi contraria seu eius neglectio §. 25. dicitur etiam *latiori significato* VIOLATIO OBLIGATIONIS et LEGIS, et TRANSGRESSIO LEGIS (anomia). Quamobrem omnis legis transgressio ponat factum minus rectum necesse est §. 26, ideoque tale factum, in quo defectus quidam rectitudinis, qualisdemumcumque ille sit, deprehenditur. Enimvero talem rectitudinis defectum agens supplere vel physice potuit vel non potuit, prior DEFECTVS rectitudinis facti dicitur VINCIBILIS (physice), posterior INVINCIBILIS.

Quum

Quum inuincibilis R. F. defectus imputari nequeat §. 14; is tantummodo defectus rectitudinis, qui est vincibilis, erit in poenam imputabilis.

§. 35.

Defectus rectitudinis facti vincibilis vocatur REATVS (culpa *latius*), atque inde tum *transgressio legis et violatio obligationis* diuiditur in *culpabilem* (culposam, inexcusabilem, transgressionem legis et violationem obligationis *strictius* dictam), atque in *inculpabilem* (inculpata, excusabilem); tum et ipsum *factum minus rectum* in *culposum* et *inculpatum* dispescitur. Quare non nisi ea legis transgressio et violatio obligationis, quae est culpabilis, imputari in poenam potest. Vnde etiam intelligitur, imputabile in poenam non esse nisi id, cuius contrarium facere et *debit* (obligatus est) et *potuit* (physice) agens; quatenus vero et in quantum contrarium facere aliquis debuit et potuit, eatenus et in tantum factum eius minus rectum ipsi in poenam recte imputari.

§. 36.

Reatus, cuius agens in agendo sibi est conscius, *DOLVS* (dolus malus) vocatur, cuius autem conscius non est, *CVLPA strictius*. Hinc etiam *transgressio legis* et *obligationis violatio*, ea quae *culpabilis* latius dicta et imputabilis est, vel *dolosa* est vel *culpabilis strictius*; et *factum*, cui reatus inest, vel *dolosum* vel *culposum* est; atque ideo ipse *agens* legis transgressor, in reatu constitutus seu *reus*, vel *dolosus* vel *culposus* appellatur. Dolosus violat legem sciens et hinc, quatenus nempe illam distincte cognoscere censendus est §. 16. *not.* volens; culposus haud aequè: sed quamvis in ipso actu inscius sit sui reatus; tamen sufficit ad culpam tuam, id non nosse, quod nosse et potueras et debueras §. *praec.*

§. 37.

Doli species praecipua est reatus, cum proposito (decreto, animo) violandi legem coniunctus: qui itaque praelucente intellectu et decernente voluntate est in reatu, doli reus est. Ad culpam referenda ea facta minus recta omnia, quae proficiscuntur ex ignorantia, errore et reliquis

liquis intellectus humani defectibus, quos superare agens debuit et potuit. E contrario autem qui ex ignorantia, errore cet. agit, vel inuincibili, vel ad quam vincendam non tenetur, culpae reus haud est. Atque eatenus ignorantia vel error non nocent ignoranti vel erranti, hoc est imputari ipsi nequeunt.

§. 38.

Si lex quaedam postulat factum commissuum, requirit vsum facultatum (virium) nostrarum legi conformem, quantum possumus: ergo hoc casu non-vsus facultatum nostrarum, quibus vti potueramus, vel non tantus vsus, quantus per nos steterat, multo magis vsus earumdem in contrarium in poenam est imputabilis. Vsus facultatum nostrarum in iis, seu commissio eorum, quae certo fine faciendae sunt, dicitur DILIGENTIA; omissio culposa diligentiae debitae, NEGLIGENTIA; vsus facultatum nostrarum legi contrarius est earumdem ABVSVS. Quamobrem omnis negligentia, et omnis facultatum nostrarum abusus, quibus etiam non abuti poteramus, in poenam est imputabilis.

Non-

Non- vsus virium, vsus earundem debito minor et abusus, quatenus cum reatu sunt coniuncti, pro diuersis circumstantiis ad facta culpofa vel dolofa pertinere possunt,

§. 39.

Generatim actiones legi contrariae, non nisi quatenus sunt liberae, in poenam imputari possunt. Ergo nec omiffio eius, quod lex praecipit, nisi libera; nec commissio eius, quod lex prohibet, nisi libera est imputabilis. Quum vero plures reperiantur actiones hominum, quae immediate quidem et per se spectatae non sint liberae, mediate vero et per indirectum omnino ad liberas pertineant §. 9; negari nequit, dari actiones per se non liberas, quae tamen sunt imputabiles. Huc pertinet omiffio actionis praecipitae ex *agendi impotentia* culpa contracta. Atque inde decisio petenda, quatenus actiones *ebrii, dormientis, aegroti, iracundi, aut alio adfectu perturbati* vel ex *habitu et consuetudine* agentis imputationi sint obnoxiae.

§. 40.

Quum omnes actiones voluntatis nostrae liberis accenseantur § 9, sequitur, vt et actiones inuitae dentur, quae imputari in poenam possint §. 39: quippe **ACTIO INVITA** est actio voluntatis, sed talis, cuius oppositum agere agens maluisset, modo aliquod malum ex actione opposita emergens euitare potuisset. Ad actiones inuitas pertinent, quae quis *metu* ab altero incusso permotus agit.


§. 41.

Quoniam tum obligationes atque leges §. 21. tum actiones liberae, tum denique ipsa conuenientia pariter atque disconuenientia actionum cum obligatione & lege gradus admittant; sequitur, vt etiam factorum imputatiuitas gradus admittat, ideoque alterius facti maior, alterius minor sit imputatiuitas.

§. 42.

Posita lege ponitur 1) obligatio ad actionem aliquam liberam certo modo dirigendam §. 13, 2) imputatiuitas facti, quod obligationi
tali

tali conformiter vel disconuenienter directum est §. 29. Hinc duplex cuilibet legi tribui potest *virtus* seu vis, 1) *obligandi* sub spe boni vel metu mali confectarii, 2) *imputandi*, attribuendo illud bonum vel malum confectarium, quod cum tali facto per legem copulatum est.



CAPVT IV.

DE

OBLIGATIONE MORALI.

§. 43^o

Obligatio hominis ad agendum conformiter voluntati diuinæ, est OBLIGATIO hominis MORALIS (obligatio conscientiae), atque hinc propositio, talem obligationem enunciens LEX MORALIS *strictius* (§. 13.) et in nostra sphaera *simpliciter* dicitur. Quamobrem omnis lex moralis agit de attemperandis ad voluntatem diuinam actionibus nostris liberis, continet voluntatem Dei circa ea, quae ab homine committenda vel omittenda sunt, est norma actio-

num

num liberarum, ad quam Deus nos obligat §. 12. not.; et lex, cuius auctor est Deus, vnde leges morales etiam dicuntur *leges Diuinae*.

§. 44.

Quidquid propter Diuinam voluntatem (ob legem Diuinam, seu in hunc finem, quo obligationi nostrae erga Diuinum Numen satisfiat), vt libere agamus, est necessarium, aut impossibile aut possibile; illud vocatur *moraliter necessarium, moraliter impossibile, moraliter possibile, significatu strictiori* §. 11, immo in sphaera legum moralium *simpliciter* ita appellatur. Itaque per leges morales actiones humanae aliae moraliter necessariae euadunt, aliae moraliter impossibiles aut moraliter possibiles. Facultas phytica, nulli legum moralium contraria, seu quatenus nulla lege morali restringitur, est FACULTAS MORALIS, & VNO verbo IUS appellatur *sensu latiori et obiectiue* sumtum.

§. 45.

Quum 1) ad eius, quod moraliter impossibile est, oppositum obligemur §. 44; patet,

nos ad id, quod moraliter est impossibile, non moraliter obligari. Ergo *ultra posse tam physice* §. 14. *quam moraliter nemo obligatur* (moraliter); nec igitur obligamur, nisi quantum possumus et physice et moraliter, seu quod idem est, eatenus dumtaxat obligamur, quatenus non obstat impedimentum physicum nec morale. Quum porro 2) id, quod est necessarium, non possit non esse possibile; sequitur vt, ad quamcumque actionem ponitur moralis obligatio, ad eandem etiam competat facultas moralis §. 44. Denique 3) quum posita obligatione ad aliquid ponatur etiam obligatio ad eius connexa §. 18, et posita obligatione morali ad aliquid, ponatur ad idem facultas moralis; clarum est, ei, qui moraliter obligatur ad finem aliquem, competere simul facultatem moralem in ea, quae ad hunc finem consequendum requiruntur, seu in ea, sine quibus obligationi suae satisfacere nequit, ideoque facultatem moralem, adhibendi eius media et remouendi impedimenta, quatenus haec *per se et absolute* considerantur.

§. 46.

Actio hominis libera ad leges Dei relata si nulli earundem repugnat, erit *moraliter licita*; si contra alicui earundem aduersatur, *moraliter illicita*, quae et vocatur ACTIO HOMINIS MORALITER MALA (praua) et vno verbo PECCATVM. Quod si actio moraliter licita a nulla lege Diuina est determinata, *moraliter indifferens* (moraliter permiffa) erit; si vero ab earundem aliqua est determinata, *moraliter obligatoria* §. 26.

Actio lege Diuina determinata, quatenus eidem est conformis, vocatur ACTIO HOMINIS MORALITER BONA: in genere autem actio hominis, quae lege quadam Diuina est determinata, seu quae non est moraliter indifferens, dicitur ACTIO HOMINIS MORALIS, siue fit determinata ad committendum hoc est *moraliter praeepta*, siue ad omittendum hoc est *moraliter prohibita*. Vnde elucet, actionem moralem esse actionem vel bonam vel malam moraliter, atque in hac actionum bonitate vel prauitate consistere earundem *moralitatem*.

§. 47.

Actio legi morali conformis, quatenus ad eam legi tali conformandam obligamur, vocatur **ACTIO MORALITER DEBITA** (moraliter iussa), vno verbo **OFFICIUM MORALE** (conscientiae); habitus vero hominis, atque speciatim promptitudo eius intensior in componendis ad voluntatem Diuinam actionibus suis, est eius **VIRTUS** (moralis). Virtus alicuius, quatenus de ea alteri constat, est eius **PROBITAS**, vnde, quatenus virtuti deditus dicatur *probus*, intelligitur.

§. 48.

Ex his, quae dicta sunt, liquet, 1) quidquid ab homine libere agitur, id omne in relatione ad leges Diuinas esse vel moraliter debitum, vel moraliter illicitum vel moraliter permissum; 2) actiones moraliter bonas, moraliter praeceptas, moraliter debitas, officia moralia, virtutemque omnem pertinere ad ea, quae sunt *moraliter necessaria*; e contrario autem 3) actiones prauas et moraliter prohibitas, vna cum peccatis omnibus referri debere ad ea, quae sunt

mora-

moraliter impossibilia; denique 4) actiones moraliter iustas, moraliter permissas et indifferentes atque officia moralia quaecumque pertinere ad ea, quae sunt *moraliter possibilia* §. 44. 47. 47.



CAPVT V.

DE

OBLIGATIONE
NATVRALI.

§. 49.

Obligatio moralis, quam homo ex principiis philosophicis cognoscere potest, vocatur OBLIGATIO NATVRALIS. Quare quum ad principia philosophica pertineat rerum natura, essentia, primus conceptus, immo in vniuersum omne id, ad cuius cognitionem ope solius rationis peruenire possumus; consequens est, vt ea moralis obligatio omnis sit naturalis, quam homo ex essentia et natura sua, ex notione de Deo philosophica, ex naturali rerum huius vniuersi

indole, ex primo conceptu actionum humanarum cognoscere, colligere, demonstrare; quam sine speciali reuelatione Diuini Numinis, sine fide intelligere potest; atque ad quam perspiciendam sola ratio seu lumen rectae rationis sufficit.

OBLIGATIO MORALIS, quae naturali opponitur, POSITIVA dicitur, qualis igitur est omnis, quam homo ex principiis philosophicis, quam sine speciali Dei reuelatione, quam solo rationis lumine cognoscere non valet.

Generaliori significato OBLIGATIO NATVRALIS, si ad solum vocabuli: *naturalis*, etymon attenderis, vocari potest, immo a WOLFIO aliisque actu vocatur ea obligatio omnis, quae ex principiis philosophicis est intelligibilis, siue illa sit moralis seu minus; sed quantum ista notio a scopo Iuris Naturalis aberrat, subsequenter intellectis facile erit ad animaduertendum.

§. 50.

Ex hac obligationis naturalis notione colligimus, LEGES NATVRALES consistere in propositionibus obligationem naturalem enunciantibus §. 13. Ergo lex naturalis est lex moralis seu Diuina, ex principiis philosophicis cognoscibi-

scibilis, est propositio, secundum quam ob voluntatem Diuinam, quatenus eam sola ratione cognoscere possumus, actiones nostras dirigere obligamur §. 43. et 49.

Leges Diuinae, quae non sunt naturales, appellantur LEGES DIVINAE POSITIVAE, quae igitur comprehendunt tales leges morales, quarum obligationem homo ex speciali demum Dei reuelatione cognoscere potest.

Qui obligationem naturalem generaliiori sensu §. 49. *not.* vsurpant, inde etiam LEGIS NATVRALIS *notionem* sibi effingant *generalio*rem necesse est.

§. 51.

Scientia legum naturalium appellatur IVS NATVRALE *latius* et *obiectiue* sumtum, frequenter tamen etiam denotat ipsas leges naturales in complexu sumtas. Quoniam igitur in Iure Naturali ex principiis philosophicis deducuntur aliae veritates vniuersales, haec scientia est *pars philosophiae*; et quoniam in stabiliendis actionum liberarum regulis occupatur, est *pars philosophiae practicae*, speciatimque, vt ab aliis

philosophiae practicae disciplinis distinguatur, vocari siveuit PHILOSOPHIA MORALIS. Cui quidem disciplinae opponitur *Theologia positiua* (reuelata) *moralis* & speciatim *Theologia moralis Christiana*, quippe quae denotant legum Diuinarum positiuarum scientias.

§. 52.

Existit DEVS, vniuersi huius conditor, consequenter etiam hominum creator et conseruator, ex cuius voluntate et nutu, quaecumque sunt, pendent omnia, pendetque inde etiam hominis cuiuslibet existentia, duratio, felicitas et infelicitas; Ens sapientissimum, sanctissimum, benignissimum, omniscium omnipotensque. Ex quibus quidem *Theologiae philosophicae* (naturalis) principiis, vltcrius ratiocinando intelligere, quantum sufficit, possumus,

1.) Deum tamquam *Ens sapientissimum*, quatenus nobis facultatem dedit cognoscendi, quid a nobis fieri vel non fieri velit, simulque facultatem, pro libero nostro arbitrio ipsius voluntati conuenienter aequae ac disconuenienter agendi;

hunc

hunc sibi in condendis nobis constituisse finem necessario, vt nos, non quidem machinarum instar physica quadam necessitate acti, sed tamquam auctores factorum nostrorum, pto libero nostro arbitrio voluntati suae conformiter ageremus, atque vt actiones liberas, quantum possimus, omnes ad Eius voluntatem summam componeremus, consequenter vt moraliter bene ageremus et moraliter male haud ageremus;

2) *Deum* qua *Ens sanctissimum* non posse non punire actiones nostras moraliter malas; ex aduerso autem

3) *Deum* qua *Ens benignissimum*, qui nos creauit, vt fiamus felices, non posse non remunerari actiones nostras moraliter bonas;

4) Eundemque tamquam *Ens omniscium* nihil omnino ignorare eorum, quae moraliter bene a nobis aut praeue fuerint facta; et denique

5) qua *Ens omnipotens* nihil non posse physice, vt, quemadmodum benignitati, ita quoque sanctitati suae sibi que metipsi satisfiat in poenis aequae ac praemiis pro actionum nostrarum merito nobis distribuendis.

§. 53.

Inde autem primo *generatim* consequitur, vt, quatenus Diuini Numinis voluntatem circa actiones nostras liberas cognoscere possumus, eatenus moraliter obligemur ad eandem explendam. Atque eatenus *existit obligatio hominum moralis*.

Porro autem exinde *speciatim* et hoc intelligitur, quod, quatenus Dei voluntatem circa nostras actiones liberas ex principiis philosophicis, ex ipsa natura, citra specialem Dei revelationem, solo rationis lumine cognoscere possumus, eatenus naturaliter obligemur, ad agendum conformiter Diuinae voluntati. Atque ideo *existit quaedam obligatio hominum naturalis, et lex naturalis*, talis quidem, vnde si ratiocinando descendamus ad conclusiones, plures eliciuntur obligationes et leges speciales, quarum complexus et scientia efficit Ius Naturale latius dictum §. 51. Quamobrem *existit Ius Naturae*, ponendum quippe posita naturali hominum obligatione ad agendum, quod Diuinae voluntati est consentaneum.

§. 54.

§. 54.

Quin *leges morales* omnes, ideoque etiam *leges naturales praemiis* atque *poenis diuinis* armatae sint, dubitare non possumus §. 52: immo si fingeres eas praemiis et poenis destitutas, ipsam legum moralium existentiam submoueres; quum sine bono vel malo consecratio proposito nulla omnino detur obligatio, nec consequenter vlla lex existat §. 12. 13.

Itaque in eorum sententiam concedere non possumus, qui *leges naturales* vnice ob Diuinam circa actiones nostras liberam voluntatem, remoto omni respectu seu praemii seu poenae, quae nos ex obseruantia vel transgressione harum legum manent, existere contendunt. Qui tales sibi *leges* mente concipiunt, non satis ad hominis naturam animaduertunt, ita comparatam, vt, nisi per bona aut mala consecraria obligari nequeat. Accedit his, quod obiicitur iis, qui *amorem* hominis erga Deum postulant *purum*, vt homini imponant obligationem, qualem per naturam suam recipere non potest. Adeo verum est quod cecinit vates:

- - - *quis enim virtutem amplectitur ipsam
praemia si demas.* IUVENAL.

§. 55.

Quum omnis actionum humanarum *moralitas* sit ex lege Diuina et ex voluntate summi
Nu-

Numinis §. 46. (quae ideo etiam dici solet moralitas subiectiua); conficitur, nullam dari, remota lege Diuina, actionum nostrarum moralitatem, ideoque antecedenter ad voluntatem Dei nullam hominis actionem dici posse vel bonam moraliter vel moraliter malam.

§. 56.

Quoniam ea praemia, quibus Diuinum Numen actiones hominum moraliter bonas remunerat, pariter atque poenae illae, quibus in malas actiones animaduertit, non possunt non esse Diuinis attributis consentaneae: clarum est, generatim *praemia* haec esse *maxima*, quibus nulla alia ex opposita actione aliunde speranda possunt esse aequalia, *poenas* itidem esse *maximas*, quibus nullae aliunde metuendae aequales; vtrasque simul cum actionibus moralibus *nexu indissolubili* coniunctas, vt nemo scilicet mortaliu talia consecraria talibus actionibus constituta ab istis seiungere possit; hinc *certissimas*, de quarum existentia, quatenus actionum nostrarum moralium sunt consecraria, conuicti esse possu-

possumus, *praemiaque auferri nescia et poenas inuitabiles*, a quibus neque agens se ipse, neque alius quisque agentem liberare potest §. 52.

§. 57.

Atque his stabilitis obscurum esse nequit, obligationem moralem reliquis obligationibus quibuscumque esse fortiorem, omniumque, quae cogitari possunt, fortissimam, cui consequenter in collisione ceterae omnes tamquam debiliores cedere debent, ipsa vero sola semper vincat §. 21. 25. Quare obligationes reliquae omnes admittunt exceptionem in conflictu cum obligatione morali, hoc est eo casu, *si obligatio moralis obstiterit*, seu si adsit *impedimentum morale*, per quod actio quaedam fit moraliter impossibilis §. 45. Ideoque in obligatione morali vnice deprehenditur PUNCTVM MORALE, ea obligationis determinatio, quae omnem exceptionem excludit, quum contra reliquae obligationes admittant exceptionem quamdam ipsarum essentiae conformem seu LATITVDINEM MORALEM.

§. 58.

Principium fiendi omnis obligationis moralis est voluntas Dei circa actiones nostras liberas §.

§. 23. et 43, speciatimque obligationis naturalis: *quatenus hanc Eius voluntatem sola ratione cognoscere valemus §. 49.*

Principium cognoscendi (complexum) obligationis moralis est: *ad voluntatem Diuinam actiones tuas liberas compone §. 23. et 43, speciatimque obligationis naturalis: quatenus hanc Dei voluntatem sola ratione cognoscere potes.* Atque ideo haec propositio obligationum et legum naturalium est *principium vniuersale et primum*, earumque focus et centrum §. 23.

§. 59.

Quum id, ex quo aliud cognoscere possumus, quatenus non tamquam propositio concipitur, vocetur eius *principium cognoscendi incomplexum* (fons cognitionis); sequitur, ut quidquid rerum ita comparatum, ut ex eius natura aliquid eorum, quae Deus a nobis fieri velit vel nolit, colligere possimus, illud pertineat ad principia cognoscendi obligationes naturales incomplexa, atque horum principiorum partialium summa constituat *principium cognoscendi totale, fontemque cognitionis legum naturalium atque Iuris Naturalis vniuersalem.* §. 60.

§. 60.

VOLVNTATI DIVINAE AGE CONFORMITER §. 58, QUANTVM POTES §. 14. ob felicitatem tuam et hinc generalius in tui perfectionem §. 52. Ergo viue conuenienter perfectionibus, attributis, finibus, gloriae Dei, finibus (Dei respectu) rerum, perfectionibus rerum.

Gloriam Dei illustra, perfice omnia, quaere optimum mundi, optimum generis humani, optimum tibi, perfice te, conserua te.

Perfice te non tantum vt *finem*, sed etiam vt *medium finium Diuinorum*. Quaere perfectionem et conseruationem tui, subordinatam voluntati Diuinae §. 57.

Ama Deum, ergo ama te ipsum, ama alios.

Duplici itaque relationum nexu inter se colligantur perfectio et obligatio nostra naturalis. Pro diuerso enim respectu *perfectio nostra* est tum *ratio obligationis* nostrae naturalis, quippe alias obligatio nostra esset impossibilis §. 12. et § 54. not.; tum simul etiam eiusdem *rationatum*, quippe ad fines Diuinos omnino etiam referenda est ipsa nostra perfectio et felicitas.

§. 61.

Iam facile est intellectu, quaenam *actiones* positae legibus naturalibus seu in *sphaera Iuris Naturalis* sint *moraliter necessariae, possibiles* vel *impossibiles* §. 44; porro quaenam *actiones licitae* vel *illicitae, moraliter bonae* vel *moraliter malae* et *pravae, morales* vel *moraliter indifferentes* et *permissae* §. 46; denique quid sit in hac *sphaera facultas moralis* §. 44, quid *peccatum naturale* §. 46, *officium naturale* et *virtus naturalis* (philosophica) §. 47. ACTIO ex lege naturali bona dicitur HONESTA, mala autem INHONESTA.

§. 62.

Officia hominis moralia pro differentia obiecti diuersa sunt: siquidem vel tantummodo Deum respiciunt, vel simul semetipsum aut alia entia quaelibet, potissimum alios homines; atque hinc dispescuntur officia etiam naturalia in *officia erga Deum* (immediata), *officia erga semetipsum* et *officia erga alia* speciatim *erga alios homines*.

§. 63.

Ratio, vnde factum, vt legibus Diuinis in complexu sumtis speciatimque etiam Philosophiae

phiae Morali vniuersae nomen *Iuris* impertitum fuerit, ex earumdem cum legibus nostris ciuilibus, quarum complexionem *ius* vocamus, similitudine potest commonstrari. Hae leges nimirum auctorem habent *superiorem* nostrum, et sub *metu poenae* nos obligant seu *sanctione poenali* munitae sunt; atque id genus *leges sensu iuridico* tales, ipseque superior, qua talium legum auctor, *legislator* appellari suevit. Vocatur vero aliquis *superior*, quatenus alter est eius subditus, *subditorum* autem nomen eis, qui actiones suas omnes ad voluntatem alterius componere obligantur, nemo potest non tribuere.

Quum igitur 1) quilibet mortalium sit subditus Dei §. 53.60, atque ideo summum Numen vniuersi generis humani sit superior, et 2) actiones hominum moraliter malas legumque Diuinarum violatores maneant indubitanter poenae maximae §. 56; patet, hanc inter leges nostras ciuiles Diuinasque intercedere conuenientiam, vt vtraeque consistant in propositionibus, ad quas ob voluntatem superioris nostri componere actiones nostras liberas sub metu poenae obligamur; patet-

que ideo, leges Diuinas omnes esse leges sensu iuridico tales; atque, quum talium legum eiusdem generis complexionem *ius* appellitemus, legibus Diuinis in complexu sumtis, quum positiuum naturalibus, consequenter etiam Philosophiae morali seu Iuri Naturali merito *Iuris* nomen sit tribuendum.

Atque ita simul ratio constat, cur Ius Naturale dicatur *Ius Diuinum*, et opponatur *Iuri Humano*: siquidem legum naturalium auctor et legislator est summum Numen, reliquarum vero nostrarum legum iuridice talium legislatores sunt homines. Hinc recte etiam Naturale Ius vocatur *Ius Philosophicum*, quoniam haec scientia pertinet ad disciplinas Philosophicas §. 51.

1. Haec Iuris Naturalis notio, quod consistat in legibus, ex voluntate Dei tamquam superioris nostri proficiscentibus, captui eorum, qui Iurium Positiuorum studiis incumbunt, satis bene est accommodata, immo et apprime foecunda, vnde si progrediamur in peruestigandis Iuris Naturalis cum Iuris Ciuilis similitudinibus largam segetem conclusionum vtilissimarum vi logicae abstractionis colligere atque intelligere possumus, ius summi Numinis, qua Creatoris Optimi Maximi, hoc est Entis potentissimi, sapientissimi et benignis-

nignissimi in spiritus creatos speciatimque genus humanum esse imperium plenissimum, summum atque absolutissimum, a quo dependent homines tamquam *subditi naturales et necessarii*, ad illimitatam *obedientiam* ipsi obstricti, unde enascitur notio *Ciuitatis Dei* et *Theocratiae*; porro Deum esse huius Ciuitatis maximae *Monarcham* et *Autocratorem*, legibus moralibus et naturalibus teneri homines vi supremæ eius *potestatis legislatoriae*, finem harum legum respectu ipsorum hominum primarium esse *bonum Ciuitatis suæ publicum*, actiones moraliter malas abire omnes in *delicta*, quasdam in *laesæ maiestatis Diuinæ crimina* cet.

2. Sed sufficit hæc attigisse, quum ad pleniorẽ harum rerum intelligentiam prolixior requiratur tractatio, quam quæ in limine Iuris Naturalis institui possit; et sufficere speciatim, quæ de *superioris et subditi* notione indicauimus, eò magis debent, quod genuina vis atque potestas horum terminorum, quantum nos quidem existimamus, exhaustiri non possit sine præstabilita *imperii* definitione, quæ ipsa verò plures alias præstruit notiones, quas hic euoluere aut plane non possemus, aut certe nimis longum foret. Neque etiam opus est, hæc fulius persequi hoc loco, quoniam 1) faciliori negotio deduci possunt immo clariori luce effulgent, sicubi ad Ius Publicum Vniuersale peruentum, illudque bene haustum fuerit, in qua disciplina horum terminorum sedes propria reperitur; atque 2) ea, quæ ad Iuris

Naturalis notionem et existentiam stabiliendam sunt necessaria, iam planiori et expeditiori via, nisi omnia nos fallunt, a nobis ostensa sunt. Ceterum qui plura de *Diuino* in homines *Imperio* desiderat, adeat, si visum fuerit, CANZIVM *de Ciuitate Dei*, BVRLAMAQVI *principes du Droit Naturel*, partie II. *des Loix Naturelles*, et HANOVIVM part. I. *Philosophiae Ciuilis*.

3. Id vnicum obseruare liceat: quum *consilium* communi omnium consensu opponatur *legi sensu iuridico tali*, nos alienissimos esse ab eorum sententia, qui totum Ius Naturale omnemque philosophiam moralem in *meris* consistere *consiliis* sibi persuadent.

§. 64.

Obligationem naturalem *sola ratione* cognoscere possumus §. 49. Scilicet medium sufficiens cognoscendi leges naturales a Deo Optimo Maximo nobis concessum, quum nos constitutos in hoc mundo rationis participes fecit, cuius vsu ex natura nostra rerumque, quae rationi nostrae patent, tamquam ex fonte §. 59. haurire cognitionem legum naturalium, & perspicere, quaenam nostrae actiones liberae Ipsius sanctissimae voluntati conformes vel contrariae sint, valemus. Hinc leges naturales et Ius Naturale vocantur *leges rationis*

tionis et Ius Rationis, cui opponuntur *leges et Ius Reuelationis* (fidei), hoc est illud Ius Diuinum illaeque leges Diuinae, quae ab homine sine speciali Dei reuelatione cognosci nequeunt, quarumque notitia demum ex ea tamquam e fonte cognitionis hauriri potest, quales sunt leges Diuinae positivae et Ius Dei positium §. 50.

Reuelatio Dei generatim designat actum, quo Deus nobis mentem suam manifestat seu cognitionem reddit. Concessio itaque rationis, vi cuius voluntatem Numinis circa certam directionem actionum nostrarum liberarum atque ideo leges naturales perspicere possumus ex ipsa rerum constantium natura, continet reuelationem generalem, vt adeo ad producendam in nobis harum legum notitiam alia adhuc *reuelatione*, quae hinc dici meretur *specialis*, & qualis ad cognoscendas leges Diuinas positivas requiritur, opus non sit.

§. 65.

Leges naturales sunt species legum sensu iuridico talium §. 63, atque eatenus ipsis, quae talibus, altera species legum iuridicarum opponitur, *leges nimirum positivae*, quae sola ratione cognoscibiles non sunt. Et quemadmodum leges positivae, quarum legislator est Deus, appellantur

Diuinae §. 43, ita illae, quarum legislator est homo, vocantur *leges positivae humanae*. Hinc intelligimus, 1) quid *Ius Positivum* in genere et *Ius Positivum Humanum* in specie dicatur, 2) quoniam ex lege iuridice tali concipitur *obligatio sensu iuridico* talis, eiusmodi *obligationem esse naturalem* vel *positivam*, atque hanc iterum vel diuinam vel humanam; 3) quia *OFFICIUM in genere* designat actionem lege iuridica debitam (conf. §. 47.), *officia* alia esse *positiva* alia *naturalia*.

§. 66.

Actus, quo ad notitiam legis iuridicae perducuntur ii, quibus per ipsam obligatio constituitur, vocatur *LEGIS PROMVLGATIO* (publicatio). Quum lex positiva proficiscatur e voluntate legislatoris, sola ratione haud cognoscibili, ideoque fit lex talis, quae demum facta promulgatione cognosci queat, consequenter antequam publicata fuerit, vt res ignorata non obliget §. 16; sequitur, vt ad constituendam legis positivae seu Diuinae seu humanae obligationem requiratur eiusdem promulgatio; ex aduerso autem simul patet, *leges naturales*, quippe
 quarum

quarum notitiam rationis nostrae vsu ipsi assequi valemus, tali promulgatione haud indigere, atque ideo nos iis teneri, licet ita promulgatae haud fuerint.

Promulgatio legum Diuinarum positivarum in earundem speciali continetur reuelatione §. praec. not.

§. 67.

Quum posito homine vsu intellectus instructo ponatur eiusdem obligatio ad agendum conformiter voluntati Diuinae, quatenus eam cognoscere valet, adeoque ponatur obligatio naturalis §. 53; sequitur vt OBLIGATIO NATVRALIS *generatim sumta* eatenus sit

1) NECESSARIA, quae posito homine, vsu intellectus instructo, ponitur, hoc est, non potest non ipsi inexistere, hinc quae tali homini per naturam suam simpliciter inhaeret, et a qua homo nec se ipse liberare, nec ab alio quocumque liberari potest; non *arbitraria*, quae demum manifestata legislatoris voluntate (per reuelationem specialem vel promulgationem) ponitur;

2) VNIVERSALIS (*subiectiue talis*), quae omnibus hominibus rationis vsu praeditis incum-

bit; non *particularis*, quae certis dumtaxat hominibus inhaeret:

3) IMMUTABILIS, quae perstante hac hominis natura alia fieri nequit, hinc quae tolli non potest; non *mutabilis*:

4) AETERNA, quae, quoad existunt homines intellectus vsu instructi, perdurat; non *temporaria*, ad minoris temporis spatium restricta.

Atque ita simul intelligimus, *legem naturalem primam* §. 58. esse necessariam, vniuersalem, immutabilem aeternamque, vnde et ipsum *Ius Naturae*, tamquam complexus conclusionum e lege naturali prima vocatur *ius necessarium*, vniuersale, immutabile atque aeternum.

1. Probe tamen obseruandum, plures leges naturales, quae e prima lege naturali deriuantur, demum *posito certo hominis statu* ex ipsa colligi, ideoque nec nisi eos, qui in hoc statu positi sunt, obligare, neque ergo tales leges naturae speciales nisi sub certa hypothesis esse leges necessarias cet.

2. Dubium, quod e *conflictu* legum naturalium suboriri potest contra earundem immutabilitatem, infra remouebitur.

3. Si

3. Si nemo vllus obligatione naturali nos liberare potest; conficitur, et ipsum Deum, auctorem omnis obligationis naturalis et legislatorem Iuris Naturalis, efficere hoc minime posse, ideoque nec *dispensare* (qui actus legislatoris cogitur vt species liberationis seu exemptionis ab obligatione) posse circa leges naturales, vnde *obligatio naturalis* vocari sive *indispensabilis*. Atque hoc recte affirmari de obligatione naturali generatim sumpta et de Iure naturali, quoad vniuersum ambitum suum spectato ex eo comprobatur, quod talis actus Dei, quo aliquem vel aliquos mortalium omnibus legibus naturalibus et vniuerso Iure Naturae solueret, repugnaret attributis Diuinis speciatim summae eius sapientiae §. 52. Sed vtrum Deus non possit hominem quemdam ab obligatione alicuius specialis legis naturalis quoad singulare facrum eximere, quod *proprie* dicitur *dispensare*, id quidem facilius creditur quam euincitur. Sane si ponere velles talismodi dispensationem, rem sumeres quam maxime extraordinariam et miraculi instar considerandam, sed vel eo nomine non plane impossibilem. Danturne miracula in mundo physico, largimurne ea cum sapientia Diuina non pugnare? quid vetat dubitare, annon Deus etiam *miracula* (si ita fas est dicere) in *mundo morali* facere possit?

§. 68.

Poenae Diuinae cum actionibus moraliter malis copulatae sunt mala, quae animam, cor-

pus aut statum externum peccatoris singulatim vel iunctim afficiunt, dicunturque in oppositione *ad malum morale*, quod scilicet in actione moraliter mala concipitur, *mala physica*, possuntque tam *priuatiue* quam *positiue* cogitari.

Sunt praeterea POENAE DIVINAE vel NATVRALES, quarum nexum cum actionibus moraliter malis ex principiis philosophicis seu ex ipsa rerum natura cognoscere possumus, vel ARBITRARIAE (positiuae), quas ita cognoscere non possumus. Sane dari *mala fortuita* (fortuna^a aduersam), quibus vitur Deus in poenam peccatorum, darique ergo poenas Diuinas arbitrarias, Theologiae philosophicae argumentis luculenter est comprobatum.

Atque ita pari ratione et *praemia Diuina* sunt *bona physica* ob *bona moralia* nobis collata, siue *positiua* siue *priuatiua*, seu *naturalia* seu *arbitraria*, quo et referenda ea *bona fortuita* (fortuna secunda), quibus virtutis cultores a Diuina Prouidentia exornantur.

§. 69.

Ad praemia actionum nostrarum moraliter bonarum naturalia referenda *voluptas* ex intuitu
per-

perfectionis nostrae moralis, hoc est conuenientiae actionum nostrarum liberarum cum obligatione morali progenerata, mater gaudii, laetitiae, satisfactionis internae, acquiescentiae in se ipso et fiduciae in Deum eiusque prouidentiam beneuolam; quemadmodum ex aduerso poenis naturalibus accensendus status peccatoris bonis hisce destitutus, *taedium* ipsius ex intuitu *imperfectiois* suae moralis, ex sensu (sensatione) culpae §. 35. moralis ortum, mater tristitiae, luctus, moeroris, poenitentiae, horroris respectu poenarum Diuinarum et desperationis.

§. 70.

Quamobrem si tibi conscius es facti tui moraliter boni, voluptatem percipies; sin facti moraliter mali, taedium senties. Atque haec conscientia moralitatis facti proprii est id, quod vocatur CONSCIENTIA MORALIS, immo in disciplinis moralibus *simpliciter* CONSCIENTIA dicitur, quae ideo consistit in eo hominis iudicio, quo certae suae actioni bonitatem moralem vel prauitatem attribuit. Quatenus quis peccati sui sibi conscius est, MALAM CON-

SCIENT-

SCIENTIAM habere dicitur; BONAM e contrario, quatenus peccati alicuius sibi conscius non est, vel facti sui moraliter recti est conscius. Quoniam itaque conscientia recte factorum cum sensu voluptatis, hinc cum interna satisfactione aliisque gratis perceptionibus, ex aduerso autem conscientia prae factorum cum sensu taedii, hinc cum tristitia aliisque perceptionibus ingratis naturaliter est copulata §. 69; consequitur, vt ad naturalia recte factorum praemia pertineat etiam *bona conscientia*, sicuti ad naturalia prae factorum poenas *conscientia mala*. Sumitur *conscientia* etiam pro facultate, aut quoque pro habitu hominis, moralitatem actionum suarum diiudicandi.

§. 71.

Porro ad praemia naturalia etiam pertinent *habitus moraliter boni*, quibus tum facilius tum gratius indies redditur emendatae menti legum Diuinarum obseruantia; sicuti contra ea poenis naturalibus annumerandi *habitus prauis*, quibus tum difficilius tum molestius indies efficitur corruptae menti legum Diuinarum obseruantia.

§. 72.

Neque minus ad naturalia actionum nostrarum moralium merita referenda existimatio nostra. Consistit autem EXISTIMATIO (moralis) hominis in iudicio aliorum, quo ipsi perfectionem vel imperfectionem moralem §. 69. attribuunt: speciatim BONA, si tribuunt perfectionem moralem; MALA, si imperfectionem moralem. Quum existimatio nostra bona nobis conciliet animos aliorum, vt proniores fiant ad auxilia nobis ferenda; existimatio autem mala alienet aliorum a nobis animos, vt ad nos iuandas euadant difficiliore, immo ad oppositum faciendum proniores; hinc in illa magnum ad felicitatem nostram praesidium, quemadmodum in ista ingens felicitatis nostrae impedimentum situm reperiatur: existimatio bona actionum nostrarum moraliter bonarum, vnde ipsa promanat, praemium; mala prauarum actionum, vnde deriuatur, poena est naturalis.

Ex intuitu existimationis nostrae bonae satisfactio interna §. 69, sicuti ex intuitu existimationis nostrae malae *pudor* progeneratur: hinc etiam quum satisfactio illa praemiis, tum pudor hic poenis naturalibus accensendus. §. 73.

§. 73.

Denique in hac poenarum praemiorumque Diuinorum consideratione non dubitamus, mentionem iniicere *vitae* nostrae post mortem *futurae aeternae*, coniunctaeque cum eadem pro cuiusuis factorum in hac vita perpetratorum merito aut *felicitatis* aut *infelicitatis maioris*. Quamuis enim certo sensu utique admittamus, hanc, quam viuimus, vitam omnis philosophiae iuris-que Naturalis esse terminum: tamen haec sententia, vno ferme omnium omnis aevi populorum ore confirmata, hoc loco neutiquam omittenda, quoniam eadem, ipsius philosophiae argumentis ad moralem vsque certitudinem prouecta, magna prae primis vi pollet, sicut circa actiones suscipiendas ad voluntatem nostram commouendam, ita etiam circa facta perpetrata ad mentem nostram vel tranquillam gaudentemque, vel inquietam lugentemque reddendam. Quamobrem quum conscientia §. 70. coniuncta cum metu mali vel spe boni, licet probabiliter saltem malum illud metuamus vel bonum speremus, ad poenas et praemia naturalia pertineat: etiam haec

haec vitae post mortem futurae exspectatio nostra praemiis poenisque naturalibus iam in hac vita existentibus omnino annumeranda; licet verisimilitudine tantum haec exspectatio nitatur, et licet praemia poenaeque ipsae, in altera olim vita existituae, sint arbitrariae, quippe circa quas exspectamus tantum, quod sint futurae, quaenam vero actu fuerint, ignoramus.

§. 74.

Atque haec, quae commemorauimus §. 68-73. sunt quaedam species praemiorum ac poenarum Diuinarum, quibus efficitur *vis imputandi* §. 42. legum moralium speciatimque naturalium, quae etiamsi specialiora actionum specialium consecutaria hoc loco tractari nequeant, immo licet plane ignorentur, tamen generatim vt *fortissima* considerari debet §. 57. Quare horum praemiorum poenarumque Diuinarum repraesentatio in mente agentis tamquam totidem motiua §. 11. efficient harum legum *vim obligandi* §. 24. aequae *fortissimam*. Quumque AVCTORITAS *legis iuridicae* consistat in ea eius affectione, quatenus ipsi praestatur debita obseruan-

feruantia; conficitur, leges morales speciatimque naturales ob vim obligandi, quae ipsis inest, fortissimam, non posse non conciliare sibi auctoritatem maximam apud eos, qui prauis habitibus haud abrepti voluntatem rectae rationi conuenienter determinare non impediuntur.

§. 75.

Vidimus officiorum naturalium motiua §. 11. seu *rationes* ad ea facienda *mouentes*, a quibus distinguendae sunt *rationes* horum officiorum *probantes*. Quum officia naturalia oriantur ex legibus naturalibus §. 47. 61, atque ideo exinde probanda sint; sequitur, vt officiorum naturalium rationes probantes desumendae sint ex conuenientia actionum cum voluntate, attributis, finibus Diuinis §. 60, quatenus haec sola ratione cognosci possunt. Et cognitio quidem huius conuenientiae intellectum conuincit de veritate officii naturalis, sicut praemii vel poenae Diuinae cognitio voluntatem impellit ad faciendum officium. Quoniam tamen officiorum naturalium obseruantia et violatio, illa quidem cum praemiis, haec cum poenis Diuinis connexa est; facile

facile intelligitur, rationes probantes officiorum naturalium pertinere simul mediate, ob hunc nexum, ad rationes mouentes, ideoque vicem motiuorum in flectenda voluntate sustinere posse. Atque ita verum est, motiua actionum nostrarum e voluntate Diuina esse petenda, ac in determinandis actionibus nostris liberis magis curandum esse, quid circa quamuis velit Deus, quam quid boni vel mali exinde in nos sit redundaturum. Vnde adultis in virtute, de poenis vel praemiis specialibus singularum actionum suarum minus sollicitis, idem, quod ipsis primaria vitae norma est, per habitum simul euadit motiuum fortissimum: *faciendum, quod Deo placet.*

§. 76.

Quoniam de cetero euidentis est, legibus naturalibus teneri omnes illos, qui quum eas actu ignorent, vel circa illas errent, potuissent tamen non ignorare vel non errare §. 37. 60; consequitur, vt ignoratio obligationis naturalis generatim consideratae neminem excuset vsu intellectus instructum §. 67, eaque propter nec *atheum*, qui Deum non esse opinatur, nec *deistam*, qui

Deum minus curare res humanas, neque seu prauos punire seu remunerare bonos sibi persuader: quippe atheismus & deismus sunt errores vincibiles, ideoque eo ipso in poenam imputabiles, quum, quantum tales errores practicos vitare possimus, tantum & debeamus §. 60.

§. 77.

Age conuenienter voluntati Diuinae, *quantum potes* §. 60. Ergo age prae aliis actionibus, seu *praefere in agendo*, quod voluntati Diuinae est *conuenientius*, age *prae ceteris*, quod Ipsius summae voluntati est *conuenientissimum*; praefere, quod cum fine Dei superiori magis consentit, fac prae primis, quod fini Diuino supremo seu primario maxime est consentaneum; praefere in agendo id, quo gloria Dei magis manifestatur, quo ad optimum mundi, ad perfectionem aliorum, ad tuam felicitatem plus confertur §. 60.

Quamobrem si sumis duas actiones, quarum singula per se considerata est moraliter debita, quae vero ambae obueniente casu simul peragi nequeunt: ea harum actionum, quae voluntati Diui-

Diuinae est conuenientior, est peragenda, quae minus, non peragenda; atque in hac actionum pugna 1) non tantum ad posteriorem non obligaberis moraliter, sed etiam 2) ad huius posterioris actionis contrarium faciendum moraliter obligaberis, ita vt si posteriorem faceres, peccares, actionem faceres moraliter malam.

Itaque actio quaedam, quae per se vel sub certa hypothefi est moraliter bona, sub alia hypothefi, in pugna cum alia actione moraliter bona, quae Diuinae voluntati est conuenientior, potest degenerare in actionem moraliter malam.

Age moraliter bene, quantum potes §. 46. 60, ergo fac potius, quod moraliter est melius, fac potiffimum, quod moraliter est optimum.

§. 78.

Quum posita actione morali ponatur lex & obligatio moralis officiumque morale §. 46, si ex hac actionum pugna, de qua exposuimus, concludis ad pugnam duarum legum, obligationum officiorumque moralium; in promptu habes regulam exceptionis: *in collisione legum moralium vincit ea, cuius obseruantia voluntati Di-*

uinae conuenientius agitur, et cedit ipsi altera. Vnde ista lex tamquam fortior, haec tamquam debilior consideranda est §. 12. Et haec etiam in pugna obligationum & officiorum obtinere per se clarum est.

Sed, si dicendum, quod res est, vera pugna legum moralium non datur: quippe si daretur, ad eandem actionem Deus nos simul et obligaret et non obligaret, vellet idem, quod simul nollet; quin potius, quod comprobauimus §. *pnaec.*, actio per se moraliter bona in pugna cum actione moraliter meliori cessat esse moraliter bona, ergo eatenus circa eandem qua talem cessat obligatio et lex moralis, et ipsa cessat esse officium morale. Quare, si hoc casu leges officiaque iudicantur collidi, hoc imbecillitati intellectus humani tribuendum est, quoniam pugna haec legum moralium est tantum apparens, errorem vitiumque logicum continens.

Ergo nec legis naturalis cum alia naturali, nec legis naturalis cum lege Diuina positina vnumquam vera datur collisio.

§. 79.

Quamobrem si apparet *officiorum naturalium* conflictus, quod tum circa coordinata, tum circa subordinata accidere potest officia; 1) *subordinatorum* ea, quae est inferior, cedit superiori, 2) *coordinatorum* autem ea vincit, quae cum officio proxime superiori, vtrique coordinatorum communi, propius conspirat §. 77.

§. 80.

Quod si sumis *legem Diuinam positiuam*, quam talem esse certo nosti, pugnare cum *naturali*; vincet positua ea propter, quoniam si datur reuelatio (specialis), datur necessario ad supplendum rationis nostrae defectum, ideoque certius et maius est lumen reuelationis lumine rationis nostrae sibi soli relictæ, erroribus naturaliter obnoxiae.

Quid, si Deus iussisset aliquando positua lege fieri id, quod naturali aduersatur, potuissetne hoc iure suo dispensandi summo ab hominibus postulare, vt exceptionem a lege naturali hoc casu facerent? §. 67. not.

§. 81.

Itaque 1) *leges naturales speciales* admittunt aliquam exceptionem ipsarum essentiae con-

gruentem, §. 77. 79. hinc *latitudinem quamdam moralem* (restrictionem tacitam) *habent* §. 57. 2) Quum obseruantia talis legis et officii in pugna cum fortiori fiat moraliter impossibilis, & contineat impedimentum morale §. 45: si hoc casu neglectioem legis debilioris et officii consideras tamquam rectitudinis facti defectum; talis defectus erit inuincibilis moraliter §. 34, ideoque moraliter inculpabilis §. 35, immo tantum abest, vt fuerit imputabilis vt contrarium potius in poenam imputaretur §. 77.

§. 82.

Age conformiter voluntati Diuinae, quantum potes §. 60: ergo iunge vires tuas cum viribus reliquorum hominum, seu iunge te reliquis, ad explendam voluntatem Dei tamquam ad finem perdurantem (circa negotium non-transitorium) omnibus hominibus communem §. 67.

Coniunctio plurium ad persequendum finem quemdam communem et perdurantem dicitur **CONSOCIATIO**, et ea, quae inde efficitur *vnio* (status consociatorum ex consociatione), **SOCIETAS**, singulique ita *vniti*

ei SOCII (membra societatis) appellantur. Quum igitur existat obligatio naturalis hominum ad voluntatem Diuini Numinis vnitis viribus explendam, eatenus recte affirmatur existentia SOCIETATIS hominum 1) VNIVERSALIS, quippe cuius socii sunt omnes homines, et NECESSARIAE, ad quam per ipsam naturam suam obligantur §. 67. Quousque igitur extenditur voluntas Dei vnitis hominum viribus exsequenda, qua lex naturalis, eo vsque extenditur finis societatis vniuersalis et obligatio hominum tamquam societatis huius membrorum. Quamobrem ad finem societatis vniuersalis pertinet illustratio gloriae Diuinae, optimum generis humani, et quae sunt reliqua his subordinata §. 60. *Societas* designat quoque complexum seu coetum sociorum.

§. 83.

Sumitur tamen SOCIETAS haec VNIVERSALIS plerumque *strictiori significato* pro vnione hominum ad felicitatem communem mutuo promouendam, atque hinc etiam *obligationes et leges et officia*, quae posita hac socie-

tate vniuersali ponuntur, simpliciter *sociales* et *socialia* solent denominari, vnde et virtus hominis in explendis officiis societatis huius vniuersalis, vocatur *SOCIALITAS*. Quoniam igitur officiorum socialium huius societatis vniuersalis *stricte* immo *simpliciter* dictae idem est obiectum et finis quod officiorum erga alios §. 62; patet, officia naturalia hominis erga alios tamquam officia socialia posse considerari. Vocantur haec officia etiam *officia socialitatis*.

§. 84.

Quaere optimum generis humani, est lex naturalis, subordinata tamen studio gloriae Diuinae §. 60: ergo confer ad conseruationem, perfectionem, felicitatem aliorum quantum potes; esto medium conseruandi perficiendique alterius; fac aliis, quae vis, vt alii tibi faciant.

Ne agas, quae conseruationi, perfectioni, felicitati aliorum aduersantur; caue sis impedimentum conseruationis perfectionisque alterius; quae tibi non vis fieri, alteri ne feceris. Ne impediās alterum in iis, quae conformiter obligationi vel facultati suae morali agit.

§. 85.

Progressus ad finem societatis obtinendum non impeditus vocatur SALVS SOCIETATIS. Fac, quae salutem generis humani promouent, quae contra ipsi repugnant, ne facito. Ergo, quidquid ita comparatum, vt, si ab omnibus hominibus intermitteretur, generi humano pereundum esset, id naturaliter est praecipuum; quidquid autem ita comparatum, vt, si ab omnibus committeretur, generi humano pereundum esset, illud naturaliter prohibitum est

§. praec.

Quod alteri bonum est, VTILE est, atque ideo VTILITAS bonitas est respectiua. Esto generi humano utilis, confer ad cuiuslibet utilitatem, quantum potes §. cit.

§. 86.

Ad socialitatem colendam et 1) voluntas Dei nos naturaliter obligat, et 2) indigentia naturalis humana compellit, et 3) inuitat simul iustus ille alios amandi instinctus seu philanthropia ingenita.

§. 87.

Perfice te, est lex naturalis, subordinata tamen aliis legibus fortioribus §. 60. Ergo obligamur naturaliter ad perfectionis & conseruationis nostrae media adhibenda, impedimenta-que remouenda, in quantum scilicet horum remedium vsus remotioque impedimentorum cum obligatione maiori non pugnat; consequenter in vsum illorum horumque remotionem eatenus nobis etiam competit facultas moralis seu *ius naturale* §. 44. 45.

§. 88.

Quum porro detur facultas moralis non tantum ad id, ad quod moraliter obligamur §. cit., sed etiam ad id, quod nulli legum moralium repugnat §. 44: consequitur, vt nobis naturaliter competat facultas moralis seu ius 1) ad faciendum quodlibet officium tum erga Deum tum erga nosmetipsos tum erga alios, ideoque etiam ad officium socialitatis quodcumque, nisi officium maius obstiterit; 2) ad omne id, quod moraliter permissum seu moraliter indifferens est §. 46; 3) in omnem vsum facultatum nostrarum physicarum moraliter non prohibitum; immo consequitur

quitur etiam, vt 4) facultas moralis in finem tribuat etiam facultatem moralem in eius media, et in remotionem impedimentorum, nisi lex moralis obstiterit.

§. 89.

Quoniam vero omni facultati meae morali respondet in te obligatio moralis ad me non impediendum in vsu & exercitio facultatis meae moralis §. 84; consequens est, vt, quousque facultas mea moralis seu ius extenditur §. 87. et 88, eo vsque et tua erga me pateat moralis obligatio. Probe tamen obseruanda limitatio essentialis seu tacita omnis obligationis specialis: tantum quemque obligari, quantum potest physice et moraliter §. 45.

§. 90.

Lex iuridice talis, quae mihi facultatem tribuit aliquid licite agendi, tibiue obligationem imponit, me in hoc peragendo non impediendi, si consideratur respectu mei, vocatur **LEX PERMITTENS** (permissiua); si respectu tui, **LEX IVBENS**. Appellatur nempe lex respectu priori permittens, quod facultatem largiatur,

giatur, certam actionem tamquam licitam, ideoque tamquam permissam perpetrandi. Quamobrem omnis facultas hominis moralis, omne ius naturale est ex lege morali vel iubente vel certe permittente. Distat vero facultas moralis ex lege iubente ab ea, quae ex lege permittente deriuatur, quemadmodum actio iussa ab actione distat permissa §. 46. 47.

Omnis igitur facultas moralis veri nominis haec duo habet connexa, 1) respectu ad Deum, quod supponat Deum aliquid iubentem vel saltem permittentem, 2) respectu ad alios homines, quod ponat, alios ad agnoscendam hanc meam facultatem moralem eatenus teneri, vt scilicet obligentur me non impedire in exercitio facultatis meae moralis.

§. 91.

Ex diuerso hominum statu diuersae species obligationum, legum, officiorum et facultatum moralium seu iurium late dictorum §. 44. naturalium promanant; vnde Ius Naturale late d. seu Philosophia Moralis tamquam totum considerari, & diuersis partibus distribui potest.

Speciatim notari meretur, hominem praeter illam *societatem vniuersalem*, cuius per ipsam naturam

turam

turam constituitur membrum, vel simul in *societate* quadam degere *particulari*, vel minus degere. Status hominis prior vocatur **STATVS SOCIALIS** *strictius et simpliciter*, posterior contra **EXTRASOCIALIS** (solitarius) & per excellentiam **STATVS** hominis **NATVRALIS**. Atque sic pro substrata materia et *obligatio socialis*, *lex socialis*, *officium sociale* cet. strictiori sumuntur significatione scilicet pro obligatione, officio, lege, in statu societatum particularium obseruanda.

Scientia legum naturalium in statu sociali str. d. obseruandarum dicitur **IVS SOCIALE VNIVERSALE** (Ius Sociale Naturale, Ius Naturale Societatum Particularium) *latius d.* Ergo Ius Sociale Vniuersale est scientia officiorum et legum naturalium socialium, & scientia obligationum atque iurium socialium vniuersalium. Ius Naturale non-sociale in oppositione ad I. Nat. Sociale vocatur *Ius mere Naturale*.

§. 92.

Si societas, pro complexu sociorum hominum sumta §. 82. consideratur generatim, abstractendo nempe ab iis, quae hoc vel illud singulorum

gulum eius membrum concernunt, spectari nequit nisi tamquam *ens unum*. Quoniam vero societas ita considerata est totum, ex pluribus sociis indiuiduis tamquam totidem partibus compositum, quorum singulus quisque est homo, ideoque quorum singulo cuique et obligationes naturales incumbunt, et iura naturalia competunt; conficitur, integrae societati generatim spectatae easdem obligationes et iura naturalia attribuenda esse, quae de singulo quoque eiusdem membro praedicantur, nisi ratio diuersitatis ex ipsa societatis natura commonstrari possit. Quamobrem hactenus omnis societas particularis respectu non-sociorum (exterorum) tenetur obligationibus humanis, et instructa est iuribus humanis naturalibus, vnde societas vocatur *persona moralis* (mystica, corpus morale, mysticum) in oppositione ad hominem indiuiduum, tamquam personam singularem.

§. 93.

Atque hinc intelligitur, obligationes, iura, leges, officia naturalia, quae respectu singulorum hominum sunt stabilita, ad quascumque societa-

tes hominum particulares posse applicari; exclusis nimirum iis, quae ob diuersam hominis indiuidui et societatis naturam diuersimode determinanda. Qua quidem via compendiaria quum vtantur omnes, qui naturales societatum particularium leges pertractant, patet ratio, cur Ius Sociale Vniuersale tamquam Ius Naturale ad societates particulares applicatum definiatur.

§. 94.

Ex speciebus societatum particularium specialiores partes Iuris Socialis Vniuersalis conformari possunt.

Generatim SOCIETAS, quae alias societates habet pro partibus suis, est COMPOSITA; quae non composita, est SIMPLEX. In societate composita itaque dantur membra seu socii, quorum singulus est persona mystica; in societate autem simplici non dantur socii, nisi personae indiuiduae. Ad societates simplices referri solent omnes, quae *esse possunt* simplices: qua quidem significatione posita, nec appellantur compositae, nisi illae societates, quae non
possunt

possunt non esse compositae, ideoque quae necessario compositae sunt.

§. 95.

Prae reliquis societatum particularium speciebus fere innumeris notatu quam maxime digna est ea, quae appellatur *Ciuitas*. Quum enim vniuersum fere genus humanum in ciuitates dispersitum hodie reperiatur; societas haec inter ceteras est illustrissima, eiusque consideratio foecundissima, atque cognitio eiusdem, ad normam legum naturalium exacta, tum vtilissima tum maxime omnium necessaria. Atque inde promanat *Ius Ciuitatis Vniuersale*, tamquam praecipua Iuris Socialis Vniuersalis pars et species.

Quodsi igitur in peruestigandis societatum particularium iuribus ac obligationibus naturalibus tractatio Iuris Ciuitatis tamquam scopus seu finis primarius constituatur: quae societates ad hanc distinctius cognoscendam pertinent, illae vt, missis reliquis, prius exponantur, quam ad considerandam ciuitatem perueniatur, necesse est. Ciuitas ex familiis, familia seu domus e societate matrimoniali, parentali herilique est
com-

composita. Posteriores societates vel sunt, vel esse certe possunt *simplices*: prior est composita societas, *minor* tamen; si ad ciuitatem tamquam magis compositam referatur. Familia pariter atque illae societates, ex quibus ipsa constituitur, communi nomine appellantur SOCIETATES DOMESTICAE. Vnde concipitur alia Iuris Socialis Vniuersalis pars, *Ius nempe Societatum Domesticarum (Oeconomicum) Vniuersale.*

§. 96.

Omnis societas quatenus non est pars alterius societatis est in statu naturali §. 91, indeque appellatur *libera*, consequenter consideranda est vt persona libera §. 92. Hinc ad societates liberas erga se inuicem applicari potest Ius Naturale mere tale §. 91, seu societates liberae erga se inuicem vtuntur Iure mere Naturali.

§. 97.

Ciuitas 1) respectu familiarum, ex quibus coalescit, vocatur *societas maior*, soletque omnis societas, familiarum compositum, hoc nomine insigniri; 2) est *societas perpetua*, quippe in po-

steritatem familiarum vnitarum perduratura ex earundem intentione; 3) ciuitas libera speciatim GENS appellatur, generalius vero gens designat quamcumque societatem maiorem perpetuam liberam. Patet ergo, gentes erga se inuicem regi Iure mere Naturali, & IUS GENTIVM esse Ius mere Naturale ad gentes applicatum §. *praec.*



CAPVT VI.

DE

OBLIGATIONE NATVRALI PERFECTA.

§. 98.

Pone obligationem quamdam naturalem ita tibi incumbere, vt, si eam violaueris, mihi competat facultas moralis, te ea propter cogendi; hanc obligationem vocare solemus perfectam. Ea igitur OBLIGATIO NATVRALIS est PERFECTA, quae sicubi violatur, connexam habet facult-

facultatem moralem alterius hominis cogendi violatorem; ea vero, quae cum tali facultate alterius morali minus est coniuncta, IMPERFECTA appellatur. COGERE alterum *stricte* significat corpus eius inuadere, seu corpori eius malum inferre, et talis coactio etiam *violentia, vis externa*, et in sphaera obligationum naturalium perfectarum, *vis simpliciter* appellatur; et quatenus eo fine adhibetur, quo alter, adhuc renitens, obligationi suae satisfaciat, *extorsio* audit. Sed et *latiori sensu* coactionis vocabulum vsurpatur, quod inferius patefiet.

Ergo si qua datur obligatio naturalis, ad quam adimplendam homo hominem vel vi externa adigere, ad quam etiam adhibito medio violento ipsum compellere moraliter potest, cuius implementum extorquere alteri licet; ea est obligatio naturalis perfecta.

§. 99.

Hinc LEX NATVRALIS, quae perfectam continet obligationem, PERFECTA (cogens); quae imperfectam tantum, IMPERFECTA (non-cogens) dicitur. Quocirca lex

naturalis perfecta est ea, secundum quam actiones suas liberas determinare aliquis perfecte obligatur.

Legum naturalium perfectarum scientia est IUS NATVRALE *strictè* dictum (Ius Naturale cogens), nimirum vocabulo *iuris obiective* seu pro legum complexione sumto (§. 51.).

§. 100.

Facultas moralis hominis, quae posita alterius obligatione naturali perfecta ponitur, seu quae obligationis naturalis perfectae alterius est correlatum, vocatur IUS (*subiective* seu pro affectione personae sumtum) NATVRALE *stricto* significatu (§. 44. 61.) seu STRICTVM, immo in sphaera obligationum naturalium perfectarum IUS *simpliciter*. Ius itaque naturale hominis est facultas eius moralis, cogendi alterum, sicubi obligationem naturalem violauerit, quemadmodum inuersa vice obligatio naturalis ea, quae cum iure alterius hominis est coniuncta, *obligatio perfecta est*.

§. 101.

Ex dictis liquet, posita lege naturali perfecta poni duo homines, alterum, cui obligatio per-

perfecta incumbit, alterum, cui ius (strictum) competit. Ergo 1) omni obligationi meae naturali perfectae respondet ius in altero, & versa vice omni meo iuri naturali respondet obligatio naturalis perfecta in altero, dummodo capax fuerit obligationis §. 89; 2) Ius naturale Cogens definiri potest, quod sit scientia iurium atque obligationum naturalium perfectarum, 3) omnis lex naturalis perfecta considerari potest tum qua *lex iubens*, tum etiam qua *lex permittens*, pro uti scilicet lex referatur vel ad illum, cui exinde obligatio imponitur, vel ad istum, cui inde ius tribuitur §. 90.

§. 102.

Quoniam naturaliter obligor ad me conseruandum §. 87, speciatimque ideo ad corpus ac vitam meam conseruandam; mihi competit facultas moralis in ea, sine quibus conseruari non possum, et facultas moralis, remedia conseruationis meae adhibendi, remouendique impedimenta §. *ead.* Pone alterum suscipere actionem cum conseruatione mei pugnantem; enascitur mihi facultas moralis, hoc impedimentum meae

conseruationis remouendi. Pone remoueri non posse nisi adhibita in alterum vi; competit mihi facultas moralis, alteri vim inferendi tamquam remedium conseruationis meae necessarium. Ergo datur quaedam facultas moralis naturaliter mihi competens, cogendi eum, qui agit, quae conseruationi mei aduersantur; datur quoddam *ius naturale strictum* in sui conseruationem cuique competens,

§. 103.

Obligaris naturaliter ad ea non agenda, quae conseruationi mei aduersantur §. 89. Haec tua obligatio, sicubi a te violatur, connexa est cum facultate mea morali, vim contra te adhibendi §. praec.; ideoque haec tua obligatio est obligatio perfecta, et facultas mea moralis, quae huic tuae obligationi respondet, est ius §. 100. *strictum mihi competens.*

Quapropter naturaliter et perfecte obligamur ad ea non agenda, quae conseruationi alterius aduersantur, et cuilibet competit ius naturale in sui conseruationem. Itaque *existit* quoddam ius

naturale, quaedam obligatio naturalis perfecta et lex quaedam naturalis perfecta: vnde si ratiocinando aliae deducantur leges, iura atque obligationes naturales perfectae; earum complexio et scientia constituet *Ius Naturale Cogens* seu *stricte* dictum. Quámobrem *existit Ius Naturae stricte* dictum, ponendum quippe posito naturali cuiuslibet iure stricto in sui conseruationem.

§. 104.

Vt praescindamus dubitationes, quae circa veritatem legis naturalis perfectae de non agendis iis, quae conseruationi alterius aduerfantur, suboriri possunt; monemus, in demonstratione proposita supponi 1) duo homines vsu intellectus instructos, eosdemque secundum *meram humanitatem* seu naturam humanam genericam, quae et quatenus omnibus hominibus est communis §. 10. consideratos, consequenter in *statu naturali* positos §. 91. *remotis omnibus factis praecuiis*, quibus forte ab altero aut vtroque horum hominum officium quoddam naturale erga se inuicem praestitum aut violatum fuerit, 2) supponi, alterum *actionem* quamdam *externam* com-

F 4

mittere,

mittere, quae *conseruationi vitae vel corporis* alterius repugnat, 3) *vsu* violentiae esse ad conseruandam vitam corpusue *remedium necessarium*, et 4) nullam exstare *obligationem moralem maiorem*, quae *vsu* iuris sese conseruandi hoc casu impediat §. 87. Quibus positis nihil dubii superesse existimamus, quin nobis competat facultas moralis veri nominis, ex ipsa naturali ad nos conseruandos obligatione promanans, cogendi alterum, quo minus peragat, quod coepit, impedire conseruationem nostram.

§. 105.

Confirmatur haec thesis de iure in vitae corporisque sui conseruationem 1) ex eo, quod Deus, quoniam nobis concessit haec dona, necessario vult, vt iis obligationi nostrae conformiter ad perfequendos suos fines vtamur, ergo necessario etiam vult, vt eadem conseruemus; 2) quod, qualiscumque etiam Dei in creando homine fuerit finis, illius tamen ipsius finis gratia, cuius causa condidit hominem, etiam velit hominis, hinc vitae corporisque sui conseruationem, necesse est; 3) ex *instinctu sese conseruandi* et
hinc

hinc *fuga* mortis et *interitus*, reliquis nisibus naturae humanae ingenitis vehementiori, qui, si eius vsus ne hoc quidem casu foret permissus, plane esset inutilis.

§. 106.

Homini in hominem naturaliter competit facultas moralis cogendi, quatenus 1) hic agit, quae illius conseruationi aduersantur, et 2) violentiae vsus est remedium conseruationis illius necessarium §. 102. Ex hoc fundamento obligatio naturalis ad ea non facienda, quae conseruationi alterius repugnant, est perfecta: vnde, sicut ex obligatione naturali imperfecta *officium imperfectum*, ita ex hac perfecta obligatione concipitur *officium naturale perfectum* ea non agendi, quae conseruationi alterius contrariantur.

E contrario vero officia naturalia cetera, nimirum officia erga Deum, erga se ipsum et reliqua officia erga alios homines esse nequeunt perfecta, seu ad ea facienda nemo vi adigi ab altero potest. Finge enim Caium te *cogere*, vt Deum colas, vt te ipsum perficias, vt Caii aliusue hominis augeas perfectionem; hoc casu Caius cor-

pus tuum inuadet §. 98, ideoque talia peraget, quae conseruationi tuae aduersantur, hinc faciet, quae facere moraliter nequit, et quae non facere ob ius tuum naturale perfecte obligatur §. 103. Etiam si enim finis Cui hoc casu fuerit licitus et moraliter bonus, ideoque ipsi quoque in eius media competat facultas moralis; tamen haec non vltra actu competit, quam quantum competere moraliter potest, ideoque quatenus haec media per se non sint illicita §. 88, consequenter ad media coactiua, quippe per se prohibita, haec facultas moralis extendi nequit.

Quamobrem officia naturalia erga Deum, officia erga te ipsum et reliqua officia erga alios, quae sub officio de non impedienda alterius conseruatione haud continentur, si a te violentur; alteri tamen facultatem te cogendi non porrigunt, seu extorqueri tibi nequeunt, ideoque haec officia omnia, respectu hominum erga se inuicem, sunt officia dumtaxat imperfecta. Officia erga alios imperfecta vocantur OFFICIA HUMANITATIS (amoris, beneuolentiae), quibus opponuntur OFFICIA NECESSITATIS, hoc est officia erga alios perfecta, §. 107.

§. 107.

Quoniam itaque officia naturalia erga Deum, erga semetipsum et humanitatis sunt imperfecta: *obligamur* moraliter et *naturaliter*, ad haec officia nemini extorquenda. Quae obligatio confirmatur quoque ex ea, qua obstringimur ad *socialitatem* colendam §. 83. 84, hinc ad abstinendum ab omni quantum fieri potest, violentia; quum ex adhibita hoc casu vi plus mali in genus humanum redundaret, quam ex alterius non-observantia alicuius officii imperfecti metuendum est. Patet vero etiam, hanc naturalem ad dicta officia nemini extorquenda *obligationem* simul esse *perfectam*, quippe cuius violatio repugnat iuri alterius stricto in sui conseruationem §. praec.

§. 108.

Atque ita enascitur conceptus *iuris naturalis perfecti*, quod *latissimae est extensionis*, nempe competens ad agenda ea omnia, quae conseruationi alterius non repugnant. Quod quidem ius *per se* consideratum tale non semper est, quippe a facultate morali saepe abhorrens et peccatum etiam continens; sed *respectu tui* tamen
tamquam

tamquam tale considerandum et a te agnoscendum, quum agnoscenda a te fit obligatio tua naturalis perfecta, ad alterum in his agendis per vim non impediendum, consequenter et agnoscendum huius obligationis correlatum *ius alterius perfectum*, quod inde ipsi per indirectum exoritur. Et tibi quidem sufficere potest, obligationem hanc tuam esse obligationem moralem veri nominis, voluntati Diuinae, Eius finibus, et bono atque salutis Societatis Vniuersalis, hinc officiis socialitatis consentaneam.

§. 109.

Ius Naturale Cogens est species Iuris Naturalis §. 51, ergo est Ius Diuinum §. 63, hinc poenis Diuinis armatum §. 54, in quo Iuri N. Cogenti cum I. Nat. latius dicto conuenit; praeterea vero etiam metu coactionis ab eo homine, cuius ius naturale violatur, inferendae munitum, in quo Ius N. strictum a reliquo Iure Naturali est distinctum §. 106.

§. 110.

Itaque transgressionem legis naturalis perfectae imputabilem non tantum imputat Deus
qua

qua legislator *puniendo*, sed imputare etiam *co-
gendo* iste *homo*, cuius violatum est ius, moraliter
potest. Imputatio, cuius auctor est Deus, vo-
catur **IMPVTATIO IN FORO DIVINO** (po-
li, conscientiae, imputatio Diuina); cuius au-
tem homo, **IMPVTATIO IN FORO HVMA-
NO** (soli, foro externo, imputatio humana).
Imputatio in foro Diuino infinite est praestan-
tior imputatione in foro humano, 1) quoniam illa
etiam ad *actus* mentis humanae *internos* §. 1,
ad mere cogitata, extenditur; quum contra im-
putatio humana omnis ad ea, quae cognosci ab
altero homine possunt, consequenter ad actus cer-
tos *externos* restringatur: 2) diuina numquam non
vera, efficax, factis proportionata; humana ex
aduerso saepe erronea, inefficax, minus pro-
portionata.



CAPVT VII.

DE

OBLIGATIONE
EXTERNÆ.

§. III.

Obligatio naturalis perfecta habet hoc commune cum obligationibus, quae in sphaera legum positivarum humanarum cogitantur, quod vtraque obligatio consistat in obligatione iuridica §. 65, qua violata alteri homini competit facultas, vim licite adhibendi contra eum, qui violat; hinc etiam obligationis violatae vtriusque detur imputatio eiusdem generis in eodem foro scilicet humano seu foro externo. Ex qua convenientia obligationis naturalis perfectae cum obligatione positiua humana, si discesseris ab iis, quae in vtraque obligatione iuridica sunt diuersa, concipi possunt plures notiones, atque inde erui propositiones generaliores, Iuri Naturali stricto cum Iuribus Humanis communes, hinc quum ad Ius Naturae Cogens, tum etiam ad Ius omne

mine Humanum, tamquam ad species vnus eiusdemque Iuris generatioris, applicabiles.

§. 112.

Obligatio iuridica, qua violata alteri homini competit facultas, vim licite adhibendi contra eum, qui violat, seu breuius, qua homo homini tenetur (perfecte), vocatur OBLIGATIO EXTERNA: quae ergo distingui potest ab obligatione, qua homo tenetur Deo, hoc est ab obligatione morali et conscientiae §. 43; quae posterior, siue sit naturalis seu positua, in oppositione ad obligationem externam appellatur OBLIGATIO INTERNA. Possunt tamen in eadem actione obligatio et interna et externa vna consistere; licet et dentur actiones, ad quas tantum interne, et aliae, ad quas tantum externe obligamur, seu quibus *obligatio vel mere interna vel mere externa* inest.

§. 113.

Ex his obligationis externae et internae notionibus concipitur idea *officii* §. 65. *externi et interni, legis iuridicae* §. 63. *externae et internae, vt et Iuris, pro complexu et scientia legum iuridicarum sumti, Externi ac Interni.*

§. 114.

§. 114.

Clarum etiam nunc est, quid dicatur *externe* atque *interne licitum* vel *illicitum* §. 26. 109. Facultas, aliquid *externe* licite agendi, vocatur *IUS EXTERNVM* seu *IUS simpliciter*, in sphaera nempe legum externarum Iurisque Externi, sumto vocabulo iuris subiectiue pro facultate personae, quod est correlatum obligationis externae alterius. Differt itaque *ius externum a iure interno*, quemadmodum *lex externa a lege interna*, consistitque *ius externum* in facultate, vim licite adhibendi contra eum, qui obligationem quamdam externam erga nos violat. Vocatur *ius externum* subinde etiam *facultas moralis*, licet hoc nomen saepius haud mereatur; saltim eo significatu, ut distinguatur a *facultate physica*, legi externae contraria, et quoniam *ius externum* atque *facultas moralis* eundem in foro humano habere solent effectum. Atque eodem sensu etiam in hoc foro accipienda *necessitas*, *possibilitas*, *impossibilitas* MORALIS, ideoque & id, quod vocare solemus MORALITER *necessarium*, *possibile*, *impossibile*,

vt et *impedimentum morale* et id genus alia. Praestaret vero ad praecauendam notionum confusionem in locum termini: *moralis*, surrogare in sphaera legum externarum terminum: *legalis*, vt, quemadmodum idea differunt, ita etiam eius signo et nomine distinguantur facultas, necessitas, impedimentum cet. *morale*, h. e. vi legis internae tale; a facultate, necessitate, impedimento cet. *legali*, nempe vi legis externae tali.

§. 115.

Patet porro ex dictis, quid sit EXTERNE obligatorium §. 26, quid EXTERNE debitum seu iussum §. 47, praeceptum vel prohibitum §. 46, permissum et indifferens §. 26. Actio externe seu in foro humano indifferens vocatur ACTVS MERI ARBITRII (res merae voluntatis, ius merae facultatis, actio, quae pro arbitrio seu pro lubitu dirigi potest).

§. 116.

Actio externe illicita appellatur etiam ACTIO (externe) INIVSTA, licita autem IVSTA (externe). Atque hinc, qui facti iniusti reus est, INIVSTVS; sin minus, IVSTVS vocatur. Ergo 1) actio iniusta inuoluit transgress-

sionem legis §. 34. externae, & violationem obligationis §. 34. externae, 2) iniustitia aeque ac iustitia mox actionis mox personae designat affectionem, 3) *Iustitia* (*externa*, qualis nempe in sphaera legum externarum et in foro humano cogitatur, et quae in hoc foro iustitia *simpliciter* dicitur) in sola absentia seu negatione iniustitiae externae consistere potest, ideoque haec iustitia, qua persona praedicatum, non concipitur vt virtus, nec consequenter etiam iustitia, qua facti qualitas, cogitatur vt virtutis effectus: quippe *iustitia* personae *externa* non ponit necessario virtutem, vt nec eam excludat; quum contra *iustitia* personae *interna*, qualis nempe in foro conscientiae requiritur, omnino ponat atque inuoluat virtutem §. 60. 61, 4) *lex externa* concipi potest vt norma iusti, et *Ius Externum* tamquam scientia iusti atque iniusti.

§. 117.

Factum itaque *iniustum* (externe tale) considerari potest vt determinata species facti minus recti §. 26. 34. Hinc 1) factum iniustum vel continet reatum, vel minus continet: illud formal-

maliter est iniustum et imputabile in demeritum; hoc materialiter dumtaxat iniustum et minus imputabile, atque ideo *factum* in foro externo *inculpabile*, 2) *Factum iniustum*, cui reatus inest, seu *culpabile* est vel *dolosum* vel *culposum* (stricte d.) §. 36. Factum iniustum dolosum vno verbo MALEFICIUM appellare ab usu loquendi non abhorret.

§. 118.

Actio iniusta nuncupatur etiam LAESIO, quae itaque consistit in transgressione legis externae seu violatione obligationis externae §. 116. Quum vero omnis eiusmodi obligatio alicuius ponat ius correlatum in altero; sequitur, ut omni laesioni insit violatio iuris alterius hoc est INIURIA late dicta, et sic inuersa vice. Porro *laesio* et *iniuria*, in facto considerata, alia est *commissiua*, alia *omissiua* §. 7: vtraque vel reatum inuoluit vel minus, et priori casu iterum vel culpam vel dolum continet §. *praec.*; vnde *laesio* et *iniuria* vel *moralis* est vel *non-moralis*, prior vero vel *culposa* vel *dolosa*.

§. 119.

Si tibi ius (externum) competit, quodam obiecto vtendi, eiusdemque ab vsu alios excludendi, illud obiectum in disciplinis iuridicis per excell. *tuum* appellatur. Est vero *vti* generatim vtilitatem actuare, et *excludere* alterum *ab vsu* efficere, vt alter aliquo obiecto vti nequeat, seu vt ab eius vsu abstineat, seu impedire alterum, quo minus eo vtatur. Itaque id, quo quis vtī exclusis aliis iure potest, est intuitu eiusdem personae *Suum*, atque pro diuerso personarum respectu vocatur *meum, tuum, alienum, nostrum, vestrum*.

Praedicatur vero *suum* etiam de ipso *iure*, quod alicui competit, certo obiecto exclusis aliis vtendi, immo etiam omne ius per se spectatum, quod quis habet cum aliorum exclusione, vocatur *ius suum*. Atque tum *usus* iuris sui idem est quod exercitium iuris, ita vt tu dicaris *iure tuo vtī*, si facis, ad quod faciendum tibi exclusis aliis ius competit; et *ab vsu iuris tui alterum excludere*, si impedis, quo minus alter faciat, quod facere vi iuris tui prohibetur.

§. 120.

Si quis agit, quod repugnat iuri alterius in id, quod est suum, vel simpliciter, quod iuri suo alterius aduerfatur, is alteri SVVM NON TRIBVIT, IVS SVVM ALTERIVS TVRBAT. Pertinent huc etiam modi loquendi: *inuadere, subtrahere, imminuere, auferre alienum* s. *suum alterius*. Qui minus tale quid agit, vel agit, quod tali iuri alterius minus aduerfatur, is alteri SVVM TRIBVIT, IVS SVVM TRIBVIT; quo etiam pertinent locutiones: *relinquere alteri suum, abstinere ab alieno*. Vtrumque et *commissive* et *omissive* fieri potest.

§. 121.

Quoniam posito iure meo externo ponatur obligatio in altero externa necesse est §. 114; patet, quod posito obiecto aliquo tamquam meo vel posito iure meo, alteri obligatio incumbat, ea non agendi, quae meo iuri repugnant. Unde deducitur obligatio ad *suum* (et ius suum) *cuique tribuendum*, ad *abstinendum ab alieno*, ad *nemini ius suum auferendum*, ad *neminem in usu iuris sui impediendum*, tamquam principia

generalia obligationum externarum Iurisque Externi. Ergo omnis actus, quo alteri non tribuitur, quod suum est, quo alteri ius suum auferretur, quo in iure suo turbatur, est iniuria, laesio, actio iniusta §. 118. 116, et e contrario iustitia personae externa in mera eius abstinentia ab alieno consistere potest §. 116.

§. 122.

PROPRIETAS mea *latius* dicta nihil aliud est, nisi ius mihi competens, excludendi alterum ab usu eius, quod est meum, et hinc ab actu, quo ius meum turbatur §. *praec.*, atque id, in quod alicui competit proprietatem, est ipsi *PROPRIVM latius d.* In omne suum competit ius tale excludendi (ius prohibendi) §. 119, ideoque omne suum continet proprietatem et est proprium. Hinc, quid *ius proprium* sit, et omne ius suum esse ius proprium atque continere proprietatem intelligitur §. *ead.*

§. 123.

Vt aliquod obiectum praedicari queat suum Cui, requiritur, 1) vt sit utile Cui, 2) vt Cuius vtendi eo ius habeat, ideoque illo *vti*
lege

lege (externa) non prohibeatur, 3) vt Caius alium ab vfu eiusdem obiecti excludere moraliter possit (nulla lege externa vetante), 4) vt eo casu, dum alter impedit Caium in vfu vel exclusione, Caius cogere moraliter possit alterum, ne impediat.

§. 124.

Hinc itaque patet, *Suum* Caii esse obiectum vtile, circa quod Caio ius vtendi competit; alteri vero obligatio, ab eius vfu se abstinendi, incumbit. Immo quoniam omne ius pro fine eius, cui illud competit, vtilitatem quamdam, qualiscumque ea sit, habeat necesse est; *suum* definiri etiam potest per id, in quod alicui competit ius proprium §. *praec.* et 122.

§. 125.

Licet vero omne *svvm* sit proprium §. 122, potest tamen proprium esse vel alicui soli, vel pluribus simul, atque tunc priori casu vocatur *PROPRIVM strictius*, posteriori *COMMUNE*. Hinc *PROPRIETAS* mea (iuris mei, *tg* meum) *strictius* dicta est, quae mihi soli competit;

petit; *communio* vero (iuris, 78 suum) est proprietas *latius* dicta pluribus simul competens.

§. 126.

Malum laesi ex laesione, hoc est, quod sentit laesus ex actione laedentis qua talis, appellatur DAMNUM. Ergo 1) ex omni laesione oritur damnum laeso homini §. 123; 2) malum, quod alicui ita oritur, ut qua effectus actioni alterius tribui non possit, non est damnum, ideoque non datur *damnum casuale*; 3) malum, quod quidem alicui ex actione alterius, non vero iniusta, non laesione oritur, pariter ad damna non referendum. Talia mala *iacturae* et *detrimenti* nomine insigniuntur.

§. 127.

Damnum est laesionis effectus in laeso §. praec.: hinc ex speciebus causae suae dispescitur 1) quoad personam damnum dantem seu inferentem, in MORALE (quod in Iure Positivo passim etiam *damnum* appellatur *iniuria* significatu paululum angustiori §. 118. *datum*), et NON-MORALE (citra iniuriam datum) morale in CIVILOSVM et DOLOSVM; 2) quoad
factum

factum et legem in DAMNUM COMMISSIONIS et OMISSIONIS.

§. 128.

Laeso in laedentem ius est, ut ius suum a laedente non auferatur, ideoque damnum ipsi non inferatur, consequenter, si quod datum fuerit, ut illud cesset; alias enim ius suum esset inutile. Ergo huic iuri laesi respondet in laedente obligatio (externa) efficiendi, quo damnum a se alteri datum cesset, quae vocatur OBLIGATIO ad REPARANDUM DAMNUM. Posita igitur laesione ponitur *obligatio laedentis ad reparandum damnum ei, cui est datum, ideoque laeso competit ius exigendi reparationem damni sibi a laedente illati.*

§. 129.

Possimus plures adhuc alias notiones propositionesque, iuribus Humanis cum Iure Naturali communes, ex ea, quam stabiluimus, Iuris Externi notione deriuare. Sed quum, quae reliqua sunt, in ipsa Iuris Naturalis tractatione tamen sint excutienda; eademque, si suo loco probe hausta fuerint, facile mediante abstractione logica

extendi, atque ita ad vsum omnis Iuris Humani transferri possint; vt repetitiones eitemus, atque vt ne videamur in generalioribus & mere hypotheticis nimis occupati: dicta sufficere possunt. Id vero ex iis, quae deduximus, obseruare non pigebit, *finem* omnis Iuris Externi primum et vltimum in eo positum esse, vt *ius suum cuique a quoque tribuatur*: *medium* vero ad hunc finem consequendum consistere in *metu coactionis* tamquam motiuo, quo quisque obligatur ad abstinentiam ab alieno; tum vero, si hic metus non suffecerit ad hunc effectum producendum, in ipso *actu coactionis* seu *vsu iuris cogendi*, vt alter obligationi erga me suae satisfaciat, et mihi ius meum tribuatur. Vnde quatenam sit *vis obligandi* legum externarum, quatenam *vis imputandi* §. 42, illamque esse earumdem vim seu *virtutem principalem*, hanc *subsidiariam*, intelligitur.



CAPVT VIII.

DE

OBLIGATIONE NATV-
RALI PERFECTA

QVA

OBLIGATIONE
EXTERNA.

§. 130.

In sphaera Iuris Naturalis Cogentis *actio illicita, iussa, praecpta, prohibita, permissa, iniusta, laesio, iniuria, suum, proprietas, damnum* et reliqui termini Iuris Externi cogitantur, quatenus *vi legis naturalis perfectae* tales sunt: vnde his terminis in Iure Naturali additum: *naturaliter et naturale* dandum, vt distinguantur ab iis, qui in Iure Externo positiuo occurrunt, atque ibidem cogitantur, quales *vi legis externae positivae* sunt. Ita ex. gr. *laesio*, quae *vi legis naturalis perfectae* talis est, *laesio est NATVRA-*

LIS; malum laesi e laesione naturali *damnum* est NATVRALE; id, in quod alicui competit ius proprium naturale, est *suum* NATVRALE; quidquid per legem naturalem perfectam licet, prohibitum, permissum, iniustum est, id NATVRALITER *licet, prohibitum, permissum, iniustum* est. Si vero hoc additum terminorum Iuris Externi in tractatione Iuris Naturalis Cogentis non semper explicite adponitur, tamen subintelligendum est.

§. 131.

Quodsi quid igitur recta argumentandi ratione, e lege naturali de aliorum conseruatione non impedienda, deduci potest tamquam *suum, laesio, damnum* cet., ad illud etiam principia harum notionum in Iure Naturali Cogenti applicari posse clarum est. Et quum a genere ad speciem certa valeat consequentia; intelligitur, quatenus tamquam principia Iuris Naturalis, et speciatim tamquam principia obligationum naturalium perfectarum seu tamquam leges naturales perfectae, admittendae sunt propositiones istae: *Neminem laede* §. 118, *ne sis iniustus, cole iustitiam* §. 116,
nemi-

neminem iniuria affice §. 118, suum cuique tribue §. 124, nemini ius suum aufer, abstine te ab alieno §. 121, nemini damnum infer, damnam datum repara §. 128.

§. 132.

Inde vero conficitur, pari ratione tamquam principia Iuris Naturalis. Speciatimque tamquam principia iurium naturalium strictorum, admittendas esse sequentes theses: *Cuilibet competit ius naturale strictum, ne laedatur, ne iniuria afficiatur, ut suum sibi tribuatur, ne ius suum sibi auferatur, ne in usu iuris sui turbetur vel impediatur, ne sibi damnum inferatur, ut damnatum datum sibi a dante reparetur §. praec.* Atque ita ius naturale cuiusuis in corporis vitaeque suae conseruationem, quod euictum dedimus §. 102. 105, per hypothefin generalius cogitari potest tamquam *ius naturale* cuiuslibet *in conseruationem* omnis eius, quod est *ipfius suum naturale*, atque *in conseruationem omnium iurium suorum naturalium.*

§. 133.

Quum itaque finis Iuris Naturalis Cogentis, qua Iuris Externi, eo tendat, ut nos atque id omne,
quod

quod naturaliter nostrum est, conseruemus, hinc vt ne naturaliter laedamur; mediumque huius finis obtinendi positum sit in coactione, quam vi iuris nostri naturalis licite contra laedentem adhibere possumus §. 103. 129: deducitur inde *ius naturale*, ei, qui nos laedit, vim opponendi, hoc est *SESE DEFENDENDI*; ideoque etiam *ius*, vim eius, qui nos laedit, vi repellendi, seu *connanti laedere RESISTENDI*; immo etiam *ius non patiendi*, vt alter nos *laedere* actu incipiat, ideoque *ius*, ei, a quo nobis *laesio imminet* seu probabiliter metuenda est, et breuius *laesionem intentanti* vim opponendi, eique resistendi.

§. 134.

Quumque porro is, cui laesio imminet, constitutus sit in *periculo*, quippe quod denotat imminentis mali statum; periculo autem opponatur *securitas*, status a periculo vacuus: consequitur ex iure naturali contra eum, qui laesionem intentat §. *praec.*, *ius naturale* cuiuslibet ad *periculum* (laesionis) vi *propulsandum*, et *securitatem* sibi (a laesione) *asserendam*, quod vno verbo appellari solet *ius naturale* *SECURI-*

TATIS, atque consistit in iure vim opponendi ei, qui nobis laesionem intentat.

§. 135.

Et quum coactio seu violentia eam ob rationem, quia et quatenus est remedium necessarium ad nos conseruandos, sit naturaliter licita §. 106; sequitur vt ob eandem rationem et eatenus etiam liceat, quidquid suum est laedentis, inuadere atque auferre. Atque ita concipitur notio *coactionis, vis, violentiae* generalior et *latius dictae* (conf. §. 89.), qualis in omni iure Externo cogitatur, quum scilicet denotet omnem *actum, quo suum seu ius suum alteri non tribuitur*. Itaque *coactio* et *vis* hoc significatu latiori, qua actus laesi in laedentem ad se suumque conseruandum, naturaliter est licitus et iustus; reliqua vero omnis, hoc est ea, quae exercetur in non - laedentem, naturaliter illicita et iniusta est.

§. 136.

De cetero quoniam *coactio* spectari potest tamquam *remedium durius*; per se patet, *leniorum mediiorum* vsum ad se suumque conseruandum

dum non solummodo naturaliter esse permissum, sed etiam, quatenus ad hunc finem et ius suum consequendum sufficit, esse praeceptum & violentiam prohibitam. Quamobrem ius, quod naturaliter competit cogendi laedentem, simul comprehendit ius, quibuscumque mediis lenioribus et qualibet minorum malorum illatione se suumque contra laedentem tuendi.

§. 137.

Contra laedentem violentia iuste exercetur. Quodsi laesio cogitatur vt moralis §. 118, consequenter vt moraliter imputabilis in poenam; violentia, qua vtimur contra laedentem, considerata est vt species imputationis in poenam & quidem efficacia. Atque ita evidens est, Ius Naturale Cogens constituere factis naturaliter iniustis imputabilitatem in coactionem, a laeso homine exsequendam, tamquam determinatam poenarum naturalium §. 109. speciem, Iurique N. Cogenti propriam: quum cetera officia naturalia extorqueri nequeant, hinc et cetera facta naturaliter prava coactioni alterius hominis non subsint §. 106. 109.

§. 138.

§. 138.

Datur tamen etiam coactio naturaliter iusta, quae non est imputatio. Sume laesionem non-moralem §. 118. seu factum iniustum reatu vacuum, ex gr. eius, qui vsu intellectus destituitur, vel qui versatur in casu collisionis officii perfecti cum officio morali maiori §. 104. Quoniam tale factum est inculpabile §. 117, imputari in poenam nequit. Ast vero nihilominus laeso hoc casu violentiam, tamquam remedium sese conseruandi necessarium, adhibere licet, et ius eius cogendi saluum perstat, quippe quod non ex actione laedentis moraliter mala, sed ex obligatione laesi ad se conseruandum promanat §. 102. Quamobrem datur coactio naturaliter iusta, quae ad imputationem referri nequit.

§. 139.

De cetero Ius Naturale Cogens a reliquo Iure Naturali distat quam longissime hoc nomine, quod custodia officiorum conscientiae et studium virtutis praemiis a Diuina Prouidentia sperandis maximis et certissimis munita intelligatur §. 56: contra vero ea officiorum dumtaxat externorum custodia iustitiaeque mere externae studium, 1) *respectu Dei* non tantum praemiis indigna sit, sed etiam, quatenus cum negle-

ctione virtutis & officiorum conscientiae copulata est, poenis diuinis maximis et certissimis subfit §. 56; 2) *respectu aliorum* hominum vero, quatenus custodia ista tamquam nuda abstinencia ab alieno et a factis externe iniustis consideratur, nihil tribuat nisi vacuitatem imputabilitatis in coactionem seu exemptionem a poena Iuris Naturalis cogentis, hoc est IMPVNITATEM. Atque eatenus Ius Naturale Cogens praemiis destituitur.

§. 140.

Vltimo loco de *collisione officiorum*, quae Ius Naturale Cogens spectat, quaedam exponenda restant. Quodsi *officium necessitatis*, quod vni debetur, colliditur cum *officio amoris*, quod alteri debetur; vincet prius, quatenus ceteris paribus lex, quae iure cogendi alterius munitur, fortior ea est, quae hoc iure destituitur §. 21.

§. 141.

Datur vero etiam collisio *officii necessitatis* cum *vitae conseruatione*, vbi scilicet officium necessitatis expleri nequit sine iactura vitae eius, qui ad officium tale faciendum obligatur. Qui quidem status hominis, quatenus in collisione officii necessitatis cum vitae suae conseruatione versatur, vocari solet **STATUS EXTRAORDI-**

NARIUS (irregularis status, extrema, vltima, ineluctabilis necessitas, extremum periculum); cui opponitur STATUS ab istiusmodi collisione vacuus, ORDINARIUS (regularis).

§. 142.

Quoniam vita hominis est perfectio eius fundamentalis, quippe qua sublata tolluntur omnes reliquae, quaecumque fuerint, perfectiones, quibus in hoc orbe terrarum instructus est, cessatque adeo ipsa eius humanitas; iactura vitae non potest non considerari tamquam malum maius respectu iacturae plurium aliarum perfectionum humanarum. Atque eatenus obligatio ad conferuandam vitam seu ad mortem atque interitum effugiendum fortior est obligatione ad officia necessitatis facienda, et lex: *ne pereas*, maior est lege: *ne violes officia perfecta*, consequenter in collisione illa vincit, et haec ipsi cedit. Clarum itaque est, officia perfecta admittere aliquam in statu extraordinario exceptionem, hinc admittere quamdam latitudinem moralem §. 57. Atque eatenus verum est: *Necessitas non habet legem, et omnis honesta est ratio expediendae salutis.*

§. 143.

Quamobrem homini in statu extraordinario constituto naturaliter competit quaedam facultas moralis, negligendi officium perfectum, vt ne pereat, quae vocatur FAVOR NECESSITATIS.

§. 144.

Probe tamen obseruandum, ad fauorem necessitatis prouocari non posse, vbi non existit status ille extraordinarius, hinc vbi 1) non ipsius *vitae*, sed alius dumtaxat perfectionis minoris amissio, cum *officii perfecti* expletione copulata est, aut 2) vita et officium perfectum non ita colliduntur, vt, nisi hoc violetur, vita conseruari nullo modo possit, hoc est nisi talis officii neglectio interitus euitandi sit *remedium necessarium*.

Quare nec *apparens* et *opinatus* dumtaxat *status extraordinarius* locum dat necessitatis fauori; nec opus est ad eundem prouocare, vbi de *officio humanitatis* expediendo agitur; aut vbi *contra laedentem* vita tuenda est, quod vis laesi in laedentem non est officii violatio, sed *iuris sui exercitium* §. 135.

§. 145.

Ceterum, quoniam neque hac, quam *vimus*, vita felicitas summa continetur §. 73, neque

que in eius conseruatione vltimus Dei finis poni potest §. 60, hinc nec obligatio ad vitam hanc conseruandam est suprema, sed aliis obligationibus naturalibus fortioribus omnino subordinata §. 60: fauor quoque necessitatis hac lege naturali restringitur: *quatenus obligatio maior non obstat.* Vnde patet, fieri posse, vt officium perfectum vincat obligationem ad vitam conseruandam, vbi scilicet illud cum obligatione quadam maiori reperitur copulatum.

§. 146.

Ex dictis itaque intelligitur, quatenus detur fauor necessitatis, et quatenus eius vsus sit moraliter et naturaliter licitus, hoc est voluntati Diuinae, quoad sola ratione cognosci potest, non contrarius. Atque eatenus fauor necessitatis ad *iura hominis moralia et naturalia* latius dicta §. 87. recte refertur.

§. 147.

Quia tamen vsu fauoris necessitatis officium perfectum, ideoque ius alterius naturale strictum violatur; omnis actio, quae vi huius fauoris suscipitur, pertinet ad actiones iniustas et ad *laesiones* §. 130. Quare fauor necessitatis respectu *Iuris Naturalis Externi* et respec-

Actu eius, contra quem exercetur, ius appellari nequit, quin potius huic tamquam laeso competit ius resistendi, seque suumque defendendi §. 133, et damni sibi dati reparationem exigendi §. 132. Ast sufficere potest, quod actio eiusmodi ex favore necessitatis suscepta sit laesio a reatu vacua, quae moraliter imputari nequit, vno verbo, laesio non-moralis §. 117. 118; quum ob maiorem obligationem minor, quoad colliduntur, suspendatur, atque s[im]pedimentum morale obstet, quo minus defectus re[ct]itudinis facti, qui in hoc casu deprehenditur, suppleri possit.

1. Ergo status extraordinarius ex officio perfectum officium imperfectum, quod quibusdam videtur, non efficit.

2. Quid vero differentiae laesionem inter moralem et non-moralem ratione effectus iuridici intercedat, in ipsa *Iuris Naturalis* tractatione Sect. III. ostendetur.



INDEX

NOTIONVM,

quae in Prolegomenis Iuris Naturae
continentur.

A.

<i>Abusus</i> facultatum sua-		<i>terminationis</i> et	
rum	§. 38	<i>exsecutionis</i>	<i>not.</i>
<i>Actio</i> commissiua	7	<i>Actio</i> licita	26
externa	1	mere naturalis	8
<i>ext.</i> debita	} 115	minus recta	26
<i>ext.</i> iussa		moralis	46
obligatoria		<i>moraliter</i> bona	46
permissa		debita	47
praecepta		indifferens	46
prohibita		illicita	46
honesti	61	iussa	47
humana	7	licita	46
illicita	26	mala	46
indifferens	26	necessaria late	11
inhonesti	61	stricti	44
iniusta (externe)	116	obligatoria	46
interna	1	praecepta	46
inuita	40	prohibita	46
iusta (externe)	116	negatiua	7
libera	7	obligatoria	26
<i>libera</i> commissiua		omissiua	7. 19 <i>not.</i>
et omissiua	7	permissa	26
	19 <i>not.</i>	phyfice necessaria	8
<i>libera</i> ratione de-		positiua	7

INDEX.

<i>Actio</i> prava	46	raliter bonum	68
priuatiua	7		46
recta	26	<i>Bonum</i> physicum	68
<i>Actus</i> meri arbitrii	155	physicum positium	
<i>Aeternitas</i> obligationis		& priuatiuum	68
naturalis	67		
<i>Alicuius</i>	119. 124	C.	
<i>Animae</i> hum. facultas		<i>Causa</i> impulsua	11
appetitiua	2	<i>Causa</i> libera	27
eaeque inferior et superior	3	<i>Coactio</i> late	135
<i>Animae</i> hum. facultas		<i>Coactio</i> et cogere stricte	98
cognoscitiua	2	<i>Collisio</i> legum	25
eaeque inferior et superior	3	<i>Commune</i>	125
<i>Animae</i> hum. imperium		<i>Communio</i> iuris	125
in se ipsum 9. not.		<i>Concaussa</i> facti	31
regimen in corpus	9. not.	<i>Concurrere</i> ad factum	31
<i>Anomia</i>	34	<i>Conscientia</i> moralis	70
<i>Arbitrium</i>	6	eaeque bona et mala	70
liberum	6	<i>Conscientiae</i> obligatio	43
<i>Abbas</i>	76	<i>Conscientiae</i> officium	47
<i>Actor</i>	27	<i>Consociatio</i>	82
<i>Auctoritas</i> legis iuridicae	74	<i>Corpus</i> morale	92
		<i>Corpus</i> mysticum	92
B.		<i>Culpa</i> late	35
<i>Beatitudo</i>	24	stricte	36
<i>Bonum</i> morale seu mo-			

D.

I N D E X.

<p>D.</p> <p><i>Damnum</i> 126</p> <p> <i>citra iniuriam datum</i></p> <p> <i>commissionis</i></p> <p> <i>culposum</i></p> <p> <i>dolosum</i></p> <p> <i>iniuria datum</i></p> <p> <i>morale</i></p> <p> <i>naturale</i> 130</p> <p> <i>non-naturale</i> 127</p> <p><i>Damnum reparare</i> 128</p> <p><i>Debitum</i> (actio debita)</p> <p> <i>externe</i> 115</p> <p> <i>moraliter</i> 47</p> <p><i>Defectus rectitudinis</i></p> <p> <i>facti vincibilis et in-</i></p> <p> <i>vincibilis</i> 34</p> <p><i>Defendendi se ius na-</i></p> <p> <i>turale</i> 133</p> <p><i>Deista</i> 76</p> <p><i>Demeritum</i> 28</p> <p><i>Diligentia</i> 38</p> <p><i>Dolus</i> (pro reatu sum-</p> <p> <i>tus s. malus)</i> 36</p> <p style="text-align: center;">E.</p> <p><i>Error vincibilis et in-</i></p> <p> <i>vincibilis</i> 37</p>	<p><i>Exceptio a lege</i> 25</p> <p><i>Excludere alterum ab</i></p> <p> <i>usu alicuius obiecti</i></p> <p> <i>et ab usu iuris sui</i> 119</p> <p><i>Existimatio</i> 72</p> <p> <i>bona et mala</i> 72</p> <p><i>Externe debitum</i></p> <p> <i>indifferens</i></p> <p> <i>iustum</i></p> <p> <i>obligatorium</i> } 115</p> <p> <i>permissum</i></p> <p> <i>praeceptum</i></p> <p> <i>prohibitum</i> }</p> <p><i>Extorsio</i> stricte 98</p> <p style="text-align: center;">F.</p> <p><i>Factum</i> commissionis 7</p> <p><i>Factum</i> 7</p> <p> <i>externe culpabile</i></p> <p> <i>culposum</i></p> <p> <i>dolosum</i></p> <p> <i>inculpabile</i> } 117</p> <p> <i>iniustum</i></p> <p> <i>iustum</i> }</p> <p> <i>in genere culpabile</i> 35</p> <p> <i>culposum</i> 36</p> <p> <i>dolosum</i> 36</p> <p> <i>excusabile</i> 35</p> <p> <i>inculpabile</i> 35</p> <p> <i>inexcusabile</i> 35</p> <p style="text-align: right;"><i>Factum</i></p>
---	---

I N D E X.

<i>Factum liberum</i>	7	<i>Illicitum</i> Iure Natura-	
omissionis 7. 19. not.		le stricto	130
<i>Factum</i> stricte	7	moraliter	46
<i>Facultas animae</i> appe-		naturaliter	61
titiva	2	<i>Immutabilitas</i> obliga-	
eaque inferior et su-		tionis natur.	67
perior	3	<i>Impedimentum</i> legale	114
<i>Facultas animae</i> cogno-		morale	44
scitiva	2	physicum	44
eaque inferior et su-		<i>Imperfectio</i> hominis	
perior	3	moralis	69
<i>Facultas</i> legalis	114	<i>Impossibile</i> legaliter	114
<i>Facultas</i> moralis	44	moraliter	44
<i>Favor</i> necessitatis	143	<i>Impossibilitas</i> legalis	114
<i>Felicitas</i> hominis	24	moralis	44
interna et externa	24	<i>Impunitas</i>	139
		<i>Imputabile</i> factum	29
G.		<i>Imputabilitas</i> facti	29
<i>Gens</i>	97	<i>Imputatio</i>	27
		Diuina	110
H.		facti et iuris 29. not.	
<i>Honestum</i>	61	<i>in foro</i> consci-	
<i>Humanitas</i>	10	tientiae	
		externo	} 110
I.		humano	
<i>Ignorantia</i> vincibilis et		interno	
inuincibilis	37	poli et soli	
<i>Illicitum</i> externe	114	<i>Imputatio</i> in praemium	
in genere	26	et in poenam	28
interne	114	<i>Imputatiuitas</i> facti	29
		<i>Indif-</i>	

I N D E X.

<i>Indifferens</i> externe 115	<i>Ius Naturale late</i>
moraliter 46	aeternum 67
<i>Indispensabilitas</i> obli-	Gentium 97
gationis natur. 67 not.	immutabile 67
<i>Infelicitas</i> hom. 24	indispensabile 67.
interna et externa 24	not.
<i>Inbonestum</i> 61	mere tale 91
<i>Iniuria</i> (late dicta)	necessarium 67
commiffiua	Oeconomicum 96
culpofa	Societatis Vniuerfa-
dolofa } 118	lis 83
moralis	focietatum domesti-
non-moralis	carum 95
omiffiua	focietatum particu-
<i>Iniuftitia</i> (externa) per-	larium 91
fonae 116	vniuerfale 67
<i>Intellectus</i> 4	<i>Ius Naturale</i> ftrictè 99
<i>Iniufta</i> (externè) actio	<i>Ius Philofophicum</i> 63
116	<i>Ius Pofitiuum</i> 65
<i>Iuffum</i> externe 115	idque Diuinum et
moraliter 47	Humanum 65
<i>Ius obiectiue</i> fumtum 63	rationis 64
Diuinum 63	reuelationis 64
Externum 113. 116	fociale Vniuerfale la-
Gentium Vniuerfale	te d. 91
late d. 97	Societatis Vniuerfa-
Humanum 63	lis 83
Internum 113	focietatum domesti-
<i>Ius Naturale</i> Cogens 99	carum naturale la-
Naturale late 51	te d. 96
	<i>Ius</i>

I N D E X .

<i>Ius Vniuersale</i> late d.	<i>Ius proprium</i> late	122
Gentium	stricte	125
<i>Vn.Oeconomicum</i>	<i>Ius suum</i>	119. 124
Sociale	suum alteri auferre	120
Societatum domesti-	suum alteri tribuere	120
carum		120
Societatum particu-	<i>Iustitia</i> externa perso-	
larium	nae	116
<i>Ius subiectiue</i> pro facultate morali sumtum	<i>Iustum</i> externe tale	116
		44
<i>Ius alienum</i>		119
<i>Ius alterius</i> turbare		120
<i>Ius externum</i>		114
internum		114
<i>Ius meum</i>		119. 124
<i>Ius merae voluntatis</i>		115
<i>Ius naturale</i> ad periculum propulsandum		134
<i>naturale</i> late d.		87
<i>naturale</i> resistendi laedere conanti		133
<i>naturale</i> securitatis		134
<i>naturale</i> sese defendendi		133
<i>naturale</i> stricte d. seu strictum		100. 108
	L.	
	<i>Laesio</i>	118
	commisuiua	} 118
	culpofa	
	dolofa	
	imminens	133
	moralis	118
	naturalis	130
	non-moralis	118
	omiffiua	118
	<i>Laefionem</i> intentans	133
	<i>Latitudo</i> moralis	57
	<i>Legem</i> negligere	25
	feruare	25
	<i>Legi</i> fatisfacere	25
	<i>Legis</i> iuridicae auctoritas	74
	<i>Legiflator</i>	63
	<i>Legis</i> promulgatio	66
	<i>Legis</i>	

I N D E X.

<i>Legis publicatio</i>	66	<i>Lex naturalis perfecta</i>	99
<i>Legis transgressio</i> late	34	<i>naturalis</i> stricte	99
	stricte 35	<i>naturalis</i> aeterna	67
culpabilis et incul-		immutabilis	67
pabilis	35	indispensabilis	67
culposa et dolosa	36		not.
excusabilis et inex-		necessaria	67
cusabilis	35	vniuersalis	67
<i>Legis violatio</i> late	34	<i>Lex</i> permittens	96
	stricte 35	<i>Lex</i> positua	65
<i>Legis vis obligandi et</i>		eaque Diuina et hu-	
imputandi	42	mana	65
<i>Legum collisio</i>	25	praeceptiua	19
<i>Lex</i>	13	prohibitua	19
aiens	19	<i>Lex</i> rationis	64
cedens legi alteri	25	reuelationis	64
Diuina	43	vetans	19
Diuina positua	50	<i>Lex</i> vincens legem a-	
externa	113. 116	liam	25
interna	113	<i>Libertas</i> interna	6
iubens	90	<i>Libertas</i> mentis	6
iuridice talis	63	<i>Licitum</i> externe	114
moralis late	13	in genere	26
moralis stricte	43	interne	114
naturalis cogens	99	lure Naturali stricte	
natur. imperfecta	99		130
natur. late	49. 50	moraliter	46
natur. non cogens	99	naturaliter	61
		<i>Lubitus</i>	6
			M.

I N D E X.

<p>M. 117</p> <p><i>Maleficium</i> 117</p> <p><i>Malum morale</i> 46. 68</p> <p style="padding-left: 2em;">physicum 68</p> <p style="padding-left: 2em;">idque positivum et</p> <p style="padding-left: 4em;">privativum 68</p> <p><i>Mereri</i> aliquid 28</p> <p><i>Meritum</i> late 28</p> <p style="padding-left: 2em;">stricte 28</p> <p><i>Meum</i> 119. 124</p> <p><i>Miseria</i> 24</p> <p><i>Morale corpus</i> 92</p> <p style="padding-left: 2em;">officium 47</p> <p><i>Moralis actio</i> 46</p> <p style="padding-left: 2em;">conscientia 70</p> <p style="padding-left: 2em;">eaque bona et mala 70</p> <p style="padding-left: 2em;">facultas 44</p> <p style="padding-left: 2em;">imperfectio 69</p> <p style="padding-left: 2em;">impossibilitas (stricte) 44</p> <p style="padding-left: 2em;"><i>lex</i> late 13</p> <p style="padding-left: 2em;"><i>lex</i> stricte 43</p> <p style="padding-left: 2em;">necessitas late 11</p> <p style="padding-left: 2em;">necessitas stricte 44</p> <p style="padding-left: 2em;">obligatio 43</p> <p style="padding-left: 2em;">perfectio 69</p> <p style="padding-left: 2em;">persona 92</p> <p style="padding-left: 2em;"><i>Philosophia</i> 51</p> <p style="padding-left: 2em;">possibilitas (stricte) 44</p>	<p><i>Moralitas</i> actionis 46</p> <p style="padding-left: 2em;">subiectiva 55</p> <p><i>Moraliter bonum</i> 46</p> <p style="padding-left: 2em;">debitum 47</p> <p style="padding-left: 2em;">illicitum 46</p> <p style="padding-left: 2em;">impossibile (stricte) 44</p> <p style="padding-left: 2em;">indifferens 46</p> <p style="padding-left: 2em;">iustum 47</p> <p style="padding-left: 2em;">licitum 46</p> <p style="padding-left: 2em;">malum 46</p> <p style="padding-left: 2em;">necessarium (stricte) 44</p> <p style="padding-left: 2em;">obligatorium 46</p> <p style="padding-left: 2em;">possibile (stricte) 44</p> <p style="padding-left: 2em;">praeceptum 46</p> <p style="padding-left: 2em;">prohibitum 46</p> <p><i>Motivum</i> 11</p> <p style="text-align: center;">N.</p> <p><i>Natura</i> 10</p> <p style="padding-left: 2em;">hominis 10</p> <p><i>Naturale</i> 10</p> <p><i>Necessarium</i> legaliter 114</p> <p style="padding-left: 2em;">moraliter (stricte) 44</p> <p><i>Necessitas</i> extrema 141</p> <p style="padding-left: 2em;">legalis 114</p> <p style="padding-left: 2em;">moralis late 11</p> <p style="padding-left: 2em;">stricte 44</p> <p style="text-align: right;"><i>Neces-</i></p>
--	---

I N D E X

<i>Necessitas</i> obligationis	<i>Obligatio</i> negatiua	19
natur.	passiua	12
<i>Necessitatis</i> fauor	<i>Obligationem</i> negligere	25
<i>Neglectio</i> legis et obli-	<i>Obligatio</i> violatio	25
gationis	late	34
<i>Negligentia</i>	stricte	35
<i>Noluntas</i>	culpabilis et incul-	35
<i>Non-factum</i>	pabilis	35
O.	culposa et dolosa	36
<i>Obligatio</i> (passiua)	excusabilis et inex-	35
actiua	cusabilis	35
<i>Obligatio</i> ad reparan-	<i>Obligati</i> satisfacere	25
dum damnum		25
affirmatiua	<i>Obligationum</i> collisio	25
conscientiae		25
externa	<i>Obligatorium</i> externe	115
interna		115
iuridica	Iur. Nat. stricto	130
moralis	moraliter	46
moralis positiua	naturaliter	61
<i>Obligatio naturalis</i>	<i>Oeconomicum</i> Ius Vniu.	
nat. aeterna	late d.	96
nat. immutabilis	<i>Officia</i> amoris	106
nat. imperfecta	beneuolentiae	106
indispensabilis	humanitatis	106
not.	necessitatis	106
necessaria	socialitatis	83
perfecta	<i>Officium</i> in genere	65
vniuersalis	conscientiae	47
	<i>Offi.</i>	

I N D E X.

<i>Officium</i> externum	113	<i>Possibile</i> legaliter	114
internum	113	moraliter	44
morale	47	<i>Possibilitas</i> legalis	114
naturale	61	moralis	44
naturale imperfe-		<i>Potestate</i> in a'icuius po-	
ctum	106	situm	108
naturale perfectum		<i>Principium cognoscendi</i>	
positivum	65	complexum obligati-	
		onis in genere	23
P.		<i>Principium cognoscendi</i>	
<i>Peccatum</i>	46	I. N. late d. comple-	
naturale	61	xum	58
<i>Perfectio</i> hominis mo-		incomplexum	59
ralis	69	<i>Principium fiendi</i> Iuris	
<i>Periculum</i>	134	Nat. late d.	58
extremum	141	<i>Principium fiendi</i> obli-	
<i>Permissum</i> externe	115	gationis in genere	23
interne	115	<i>Praeceptum</i> externe	115
Iure N. stricto	130	interne	115
moraliter	46	Iure N. stricto	130
naturaliter	61	moraliter	46
<i>Persona</i> moralis	92	naturaliter	61
mystica	92	<i>Praemium</i>	28
<i>Philosophia</i> moralis	51	<i>Prauum</i>	46
<i>Poena</i>	28	<i>Probitas</i>	47
<i>Poenae Diuinae</i>	68	<i>Probus</i>	47
caequae naturales et		<i>Prohibitum</i> externe	115
arbitrariae	68	interne	115
		Iure N. stricto	130
		moraliter	46
		<i>Prebi-</i>	

I N D E X.

<i>Prohibitum</i> naturaliter		<i>Socialitas</i>	83
	61	<i>Societas</i>	82
<i>Promulgatio</i> legis	66	composita	94
<i>Proprietas</i> late	122	simplex	94
stricte	125	vniuersalis late	82
<i>Proprium</i> late	122	stricte	83
stricte	125	<i>Societates</i> domesticae	95
<i>Prosperitas</i> hominis	24	<i>Societatis</i> salus	85
<i>Publicatio</i> legis	66	<i>Societatum</i> domestica-	
<i>Pugna</i> legum	25	rum Ius Vniuersale	
<i>Punctum</i> morale	57	late d.	96
		<i>Societatum</i> particula-	
R.		rium Ius Vniuer-	
<i>Ratio</i> , qua facultas ani-		sale late d.	96
mae	4	<i>Socius</i>	82
<i>Reatus</i>	35	<i>Spiritus</i>	6
culposus et dolosus	36	<i>Spontaneitas</i>	6
		<i>Status</i> hominis extra-	
<i>Reparatio</i> damni	128	ordinarius	141
<i>Resistendi</i> ius naturale	133	extrasocialis	91
		irregularis	141
<i>Res</i> merae facultatis	115	naturalis	91
<i>Reuelatio</i> in genere	64	ordinarius	141
not.		regularis	141
specialis	64. not.	socialis	91
<i>Reus</i> culposus et do-		<i>Stimulus</i>	11
losus	36	<i>Superior</i>	63
S.		<i>Suum</i>	119. 124
<i>Salus</i> societatis	85	<i>Suum</i> alteri non tribue-	
<i>Securitas</i>	134	re	120
		<i>Suum</i>	

I N D E X.

<i>Suum</i> alteri tribuere	120	<i>tionis</i> vid. <i>transgres-</i>	
<i>Suum</i> naturale	130	<i>sio legis.</i>	
T.			
<i>Theologia</i> positiva mo-		<i>Violentia</i> late	135
ralis	51	<i>strictè</i>	98
<i>Transgressio legis</i> et ob-		<i>Virtus</i>	47
<i>ligationis</i> culpabilis		naturalis	61
et inculpabilis	35	<i>Vis externa</i> late	135
culposa et dolosa	36	<i>strictè</i>	98
excusabilis et inex-		<i>Vis obligandi et impa-</i>	
cusabilis	35	<i>tandi legis</i>	42
late	34	<i>Vniuersalitas</i> obligati-	
<i>strictè</i>	35	onis natur.	67
V.			
<i>Violatio legis</i> et obliga-		<i>Voluntas</i>	4
		<i>Vfus</i> iuris sui	119
		<i>Vti</i>	119
		<i>Vtile</i>	85
		<i>Vtilitas</i>	85



